

四庫全書

集部

欽定四庫全書

御製詩餘集卷六

古今體三十七首

丙辰六

至避暑山莊作

祖功避暑建山莊夏五來臨歲以常佳霽屢霑昨真渥

五月初旬以後屢次得霑甘澤地脉幸已接潤尚未能  
深透昨廿一日駐兩間房得雨霽霑連宵達旦十分優  
渥且雲氣濃厚霑被甚普梁肯堂奏懷柔  
密雲一帶同時霑沛實於田功大有裨益  
濃雲復作曉

微涼騁觀農景時晴好兼意旅情減淨良

雨後旋即快  
晴今日過廣

仁嶺扈從人等車馬俱可  
早到不致泥濘尤為可喜  
嶺過廣仁看色喜令居太上

耀輝光

太上皇之稱始見於漢書高帝尊太公為太上皇而未嘗為帝若唐之高祖因太宗闕牆擊繫

睿宗鑒於武德已事皆勢為子逼而非得已明皇幸蜀  
肅宗靈武自立皆無足稱迨宋之高孝外惕強鄰內航  
逸豫更不足齒且考諸史地理志及太平寰宇記此處  
承德府六朝以前不具論其在唐時則屬營州然柳城  
之外即為奚與契丹地宋則并柳州郡亦為契丹所有  
是唐宋時斷不能巡幸及此也至遼時則為中京道金  
則為北京路元則為大都路然雖有其地而並無稱太  
上皇者予以今年傳位子皇帝荷蒙  
吳眷精神康  
健依例仍來此避暑待獮而子皇帝策騎掖輿誠千古  
未有之盛事傳之後世洵足以光史乘而為山川增色  
矣

永佑寺瞻禮

萬壑松風披拂仍

含飴曾此

聖恩承七旬加四年瞬息盼雨愁晴已業競全數

去聲武

功幸云就

予六十年中者定武功十次平準噶爾者二定回部者一掃金川者二靖臺灣者一降緬甸者一降安南者一降廓爾喀者二其外如誅王倫翦蘇四十三滅田五乃內地奸民弗鄉其事予即位以來

風以佳兵為戒凡此皆不得已而用兵一隅苗地捷期

仰蒙

天貺克臻十全豈非厚幸歟

憑

自廓爾喀歸降以後予惟願內外安恬不復有用兵之事詎意楚南逆苗石三保石柳鄧等焚搶附近居

民不得不興師征勦經福康安和琳痛加殲戮燒燬賊寨不計其數無如苗地山高路險兼之彼地向多陰雨勦捕非易雖逆首吳半生吳隴登二人震懾兵威俱已投營乞命而福康安和琳復調集滇粵官兵二萬餘四面圍攻逼近平隴賊巢乾州已可望見無難計日蕝功然自去春至今已一年過半在諸將士固勞勦堪憐而予宵旰盼望捷音亦甚為焦切惟冀

祖

自慙十二

考鑒佑速得成功捷音立至為慰耳

居孫位八六令為太上稱

夜雨

五月廿四日

口外雨暘口內同甫能稱透濟農功

昨廿一日駐兩間房徹夜之雨可謂

優渥深透但口內外農田望澤已久詢之土人再得甘露益佳

夜深需暢十分足簷際

溜垂千瀑充歡愜民言帶來澤

廿四日至山莊是日傍晚即復得大雨一陣夜

間又霖簷溜喧飀尤覺霧霏居民咸謂  
隨鑿之雨十分透足無不歡聲載路

茂增山色洗新

叢似羸昨歲於斯况

去歲以五月中旬駐此覺口外之雨不若口內雖途中亦頻獲陣雨

而以今歲較之  
景象似勝去歲

慙是依然望捷翁

以近日雨澤而論固較勝去歲可以紓懷

惟楚南逆苗抵死抗拒冀延殘喘福康安和琳等厚集  
兵力逼近賊巢不過十餘里逆首尚未擒獲其楚北鄖  
陽一帶邪教賊匪經恒瑞永保等已殲除淨盡而襄陽  
孝感當陽宜都等處現在分投勦辦夙夜望捷之心與  
去歲同依然  
焦切為愧耳

山東巡撫王德奏報透雨及禾黍情形詩以誌慰

齊左畿南疆本接雖霑甘澤潤纔連

畿南與山左壤地相接其得雨情形

亦覺相仿如京畿於五月初旬及五月十三日得雨四寸雖俱稱優霽然夏初晴久得此不過僅堪接潤詎知同透還同日茲據王德泰本月二

十一日濟南省城自辰至子得雨深透並據附近之章邱肥城長清齊河禹城泰安等縣報到同日悉被涯膏其各屬是否一律均霑俟查覆到日另行具奏等語昨踴途經過懷柔密雲及口外地方亦殷望雨廿一日駐兩間房口內外自酉至辰大雨滂沛竟與山左得雨之日及深透情形相同及廿四日駐蹕熱河後連日復頻次得有陣雨山左或信匪賴人惟賴繼霑優澤亦未可知

天地方雨暘胥賴上蒼貺佑若謂大吏政治足以感召和甘則必啟諱飾之端民隱無由洞悉是以予

臨御以來從不以雨暘豐歉為地方官賢否殿最此亦  
務實政而不尚虛名之意也此次燕齊相距千里同時

均被優霽自非  
蒼溥錫恩膏曷克臻此

上禾黍茂生欣塞土豆蕎爭長

上聲

利秋田

玉德奏刻下初交夏至正農田長發之時得此  
霽雨不獨早禾芄茂即甫種之晚禾及雜糧豆

蕎等項亦無不倍加發  
榮秋收可卜益增虔惕慰遙撫近一方寸自戒持盈益

悚然

### 鑑始齋自述

### 書齋額鑑始七十五年

思  
己年十二時

皇祖賜居是齋讀書至今  
以鑑始名齋示不敢忘也



祖澤非私淑

親承是本源幸無大隕越適可小溫存此後餘齡養靜聽

昊貺敦

戒得堂

戒得早成堂荏苒廿歲徙

堂成於庚子歲

每來必有詩憶

祖兼勅已今當歸政後吟詠可罷爾然有不可罷孜孜

在訓子

隨時訓政予何敢自逸亦有所不忍耳

楚南北之軍宵小犯

天理更切得捷音慙不可言矣

詠碧玉射鹿鞞

多年射鵠不曾為馬上猶能飲用之

自庚辰臂病後久弗步射至木蘭馬

上行圍射鹿藉馬力尚能命中蓋自幼學習資深亦不自知其何以中也

喻色設如誇韭葉

獲生炙股正相宜

題文津閣

津閣年年率有詩今來歸政合停詞

閣始於乾隆甲午秋越次年乙未夏

歲功駐此因賦詩落成至乙巳年是閣全書三萬六千冊亦告成庋架至今十二年矣每年來此率有題句今

既歸政似可不必依例成吟然初命編輯全書之時予已年過六旬乃踰十年而四閣之書俱成迄今插架又踰一紀即此舉凡如願事幸觀成何莫非不妨麟意上蒼鴻佑偶來憩覽又不能不一抒毫也

聊為殿試看烏光迅若馳曾鞏黃香闢側艷程俱陳駢

廣韻集韻古  
穴切音玦

示儀規萬千卷固是中庋貽笑書城行者

誰

乾隆辛酉舉秋獮之典因來此駐蹕壬辰以後每過

夏至大祀即來避暑率成恒例如含德齋

在清舒山館內額為

齋額

皇祖御書予辛巳題什有書

鑑始齋

予年十二時蒙

克歲之句

賜居於此處讀書因以名之不忘始也

### 文津閣

是閣與紫禁御園盛京之三閣均仿范氏天一

閣之制以貯四庫全書者詳見閣記

### 戒得堂

命鑄戒之在得四字小璽

予庚子七月萬壽前作是堂於清舒山館之左因以戒得名堂詳見前後記中

### 永恬居

額亦

皇祖御筆予甲戌年續增山莊二字名之三十六景此其末一景也

### 招涼榭

在遠近泉聲之旁予

題曰招涼榭每年避暑來此必有題什懸楹間上年已遍即有題滿罷詠聽其常之句蓋以上年已滿六旬今歲即可不必例詠矣

### 諸處積年之詩張壁已滿今幸紀元符

願授璽觀成似此例作之詩原可停吟惟今年子皇

帝掖奉安輿駐斯待獮亦千古未有之盛軌即景抒

懷又有不能已於言者但八旬望九歸政養閒之老人誠宜一切從簡且五集已盈四萬餘首亦自厭其多矣意將大減拈毫因書題閣之什並識如右

西峪疊去歲乙卯韻

西峪近咫尺有暇定先到輕輿步石路坦坦非遙道

叶

偶覽乙卯什仍同望捷報

往年駐蹕後有暇即先來西峪去歲以五月十二日莅山

莊越五日方來此以屢次得雨未能深透兼之大兵自解永綏圍後連破賊巢而未獲首逆是以有望雨心弗寧籌苗捷未報之句今日來此偶覽壁間去歲之什往蒔光陰望捷之心益殷於去歲矣滯哉閱歲

半空每勝章告

上年自福康安和琳合兵進勦由黔入楚軍威頗盛節次奏報攻克蘭草坪黃

瓜寨蘇麻寨上下西梁茶陀柳芬高多寨擒頭坡吉吉寨連雲山壁多山結石岡長吉山火麻營等處所有石城木卡全行攻得焚燬殲斃苗匪不可數計實緣苗境雖捷章屢報而未能直搗賊巢實深馳盼

險加以雪雨浩

楚南苗匪食毛踐土久荷帡幪乃敢跳梁肆逆罪無可逭祇以苗疆山路險巇

徑途陡峭蕪之地處卑濕萬山之中向多雪雨兵弁跋涉匪易是以屢次克捷之後率以道路滑凜未能乘勝直前一鼓俘獲兇渠歲事致稽時日官軍非不勇倏難此亦限於地勢弗忍頻加催促耳

據其要近乃逐漸進賊巢逼深造

數日前據福康安和琳秦官兵攻克賊卡

八九座連佔山梁七處直至廖家冲連峰坳痛殲賊匪目擊乾州平隴等處賊人窟穴遠近在望現因大雨傾

注一俟天氣稍晴即當直抵乾州迅擒渠逆此時大兵已抵賊巢四面攻圍諒首惡石三保石柳鄧等逆罪貫盈斷無倖逃顯戮之理惟盼捷音速至以慰懸切

掃犁在垂成露布盼心躁南

薰正其時吹北願前導

### 有真意軒作

曰無已居有曰有定歸無無與有胥幻孰究為真與復

置意其間豈不逾遠乎內外額軒異

萬壽山有無盡意軒茲曰有真意要

惟無盡而後有真義仍相貫耳同耶軒笑吾

### 秀起堂

秀起堂成久山林蕭且疎宜居高閒人茲當倦勤初名

實覺相稱

去聲

肝宵却未居

堂建於壬午歲然徙未夜宿於此

然仍訓子

政

既歸政而猶訓政仍未得為閒人也

堂豈弗嗤予

雨

五月廿八日

解轡之朝雨透深繼斯間

去聲

日作甘霖較於昨歲允為

幸

廿四日駐蹕山莊是日辰刻得雨至酉刻止雨勢霽霽入土深透廿五日丑刻得雨一寸申刻又得雨二

寸廿六日自酉至戌得雨二寸餘今日得雨疎密相間亦約有二寸詢之熱河道府現在雨水情形已十分透足莊稼長發極為茂茂此後如再得雨山田易洩亦不為多即晴霽數日亦無妨礙等語迴憶去歲五月中旬



駐此亦屢次得雨而總不及今歲之深透信堪欣慰然距登秋為日尚遠仍不敢不倍加兢惕耳 未至

登秋祇倍欽乍熟生雲即渥霑既霑隨霽了非霑似茲如願誠希遇謙益滿招惕勵心

聞貝子大學士福康安在軍營病故詩志悼惜

楚南軍營報到聞係和琳一人馳奏甚為駭愕聞摺乃知福康安以偶患洩瀉元氣虧損兼受時疫弗數日竟爾溘逝可勝悼惜詩以哭之

到處稱名將功成勇有謀近期黃閣返驚報大星流

福康

安為大學士傳恒之子秉性忠純才猷敏練弱冠即出師金川著有勞績後又平定石峰堡臺灣廓爾喀等處膚功屢奏宣力中外有年節次晉封一等公爵簡任綸扉贊襄機務自歷任封疆以來籌辦地方事務無不悉心整飭得宜此次一聞楚南逆苗滋事不待旨諭即兼程馳赴勦辦躬冒矢石督率弁兵涉厯險阻不辭勞瘁上年特恩封貝子爵銜並賜三眼花翎以彰勲績昨奏到攻克廖家冲連峰坳一帶即可直抵乾州指日大功告成因又將伊父傳恒亦加恩晉贈貝子屢論俟平定苗疆一切善後事宜辦定後即來京陞覲再赴閩浙督任一二年後當命來京辦理閣務不料積勞之後遽以時疾溘逝實非意計所及國家失此賢臣深可傷悼福康安屢膺非常懋賞初非因戚畹加恩實以世篤忠藎凡有恩施俱出大公至正此中外所共知共聞者也且聞日前進攻移營之時倏有大星向營盤西北隕落光芒有聲軍營弁兵人人同見殊堪駭異想事非偶然固

有數定亦莫  
可如何也

自嘆賢臣失難禁悲淚收深恩縱加贈福

安年力富強正資倚毗況當大功垂成之際不謂積勞成疾遽爾溘逝不禁震悼且聞既已患病猶復力疾督師親臨前敵實屬宣勞起衆體國忘身允宜渥沛殊恩用昭飾終令典因即晉贈郡王爵銜賞銀一萬兩經理喪務仍著於伊家宗祠之旁官為建立專祠以時致祭並推恩伊父傳恒亦追贈郡王爵銜其子德齡加恩晉襲貝勒並派固倫額駙豐紳殷德迎往奠醊凡此異數雖以嘉獎殊勲而追思忠蓋惜其未能親見俘渠藏緒生膺酬庸寵命忠篤那能酬深為愴悼耳

夜雨

六月朔日

六七月之間朔日總畏雨

農家以月朔最宜晴霽又有不怕初一霖只怕初二陰之

諺然亦未定為六月七月也大概以大雨時行之際慮其靈雨過多致傷禾黍今歲五月廿四日至山莊是日即得甘霽以後間日連次優霽詢之熱河道府奏稱秋田極為透足更望晴曦則禾黍日見芄長茲當六月朔幸其晴明竟日夜間雖得陣雨而次早仍即放晴有符農諺可為欣慶慮其或為靈過多

傷禾黍昨年此間旱屢雨屢晴覩然總未深透慢詠朔

庚補

上年五月十二日至山莊是日得微雨不及一寸是以登煙雨樓詩有羣言可待時我意微覺旱之

句至十三得雨後十八二十廿七等日復屢次繼霽又恐過多各有詩誌之並兩成喜晴之什然總欠深透至六月朔日恰值初庚入伏喜逢晴霽慶叶農占因有月朔復初庚天恩賜以晴之句乃嗣後寢尋望澤雖陣雨屢霑而未得優霽至七月中旬得雨猶有間微五更夜恩開半月秋之句令歲則目前雨已極為霑

足較勝去年惟望此後賜雨均調  
口內外一律普霑尤深欣冀耳  
今歲深透佳弗雨合

農語曉晴至入夕夜霽霏林楚優渥勝昨年山田潤資

普然而聞口內接潤作霖佇

京師自五月初二以後未及一旬得雨三次合計雖

已盈尺究覺未為透足昨途中廿一日駐蹕雨間房得雨優霑旋據留京王大臣奏京師亦於是日得雨四寸想又僅堪接潤因復馳旨詢問邇日近則塵念京悠哉師雨暘遠則盼望楚省捷音方寸殷殷幾無寧晷

近遠心望捷同殷苦

六月初二日作

無慮朔雨畏翼陰雨既優霑晴逾好夏之季與秋之孟

何年弗塵方寸繞謂既授終斯卸職放勲閒乎不可考  
塞天寥朗忽片雲數點旋開夕陽皎更祝口內尺盈霑  
霑而遂霽利稼寶

貴州布政使賀長庚山西巡撫蔣兆奎各報麥收

分數詩以誌慰

一日奏章兩處到異同雖別總堪欣九餘黔及八餘晉

上稔固優次稔羣

賀長庚奏貴州麥收分數十分者安順一府清江一通判羅斛一州判開

州等六州修文等七縣共十六處九分者南籠等九府長寨等五同知冊亨一州歸化等三通判定番等四州

貴定等二十三縣共四十五處八分者貴陽銅仁二府  
台拱一同知都江丹江二通判鎮寧等四州貴筑等四  
縣共十三處合計通省麥收共九分有餘同日又據蔣  
北奎奏山西二麥約收分數九分有餘者曲沃等四州  
縣九分者襄陵等七州縣八分有餘者陽曲等二十八  
廳州縣八分者太原等五十二州縣七分有餘者吉州  
等十廳州縣七分者鄉寧等九廳州  
縣合計通省麥收共八分有餘等語 不接青黃幸民賴

豈殊南北為農勤邇來頗覺吟無興功逮垂成望益殷

雨 六月初六日

非因盼澤五為期

去歲駐熱河正值望雨五月十三日  
得雨後十八日復雨至次日猶未止

是以喜晴詩反用采綠詩意有五日为期六不詹纔欣  
既渥又虞淹之句其後廿一日雨後至廿七日復雨期

亦相仿是日喜雨詩因仍用前句云五日為期六不詹  
不為畧缺不為淹若今歲自前月廿四至山莊後渥澤  
頻霑此時雨固非多不雨亦不致望澤而昨日午  
後蒸熱知當釀雨得此嘉霽暑氣頓蠲亦足快意  
夏令

### 易風誠合宜

王充論衡謂太平之世五日一風十日一雨此固為時若之微然當長夏溽暑之際

俗諺云三日一小旱五日一大旱若竟間十日甫得一雨不已覺暝乎是以甲寅午熱詩有五風十雨實常度  
赤夏午雨驅溽占之句是暑天  
即五日一雨亦可稱時若也  
昨日炎蒸知釀雨今朝

嘉霽正當時徐非疾否悠揚落辰起已終陸續滋透潤

地斯二寸接遙希盈尺被京師

此地山田易洩得此雨  
益加透潤惟京師自廿

一得雨四寸後連日據留京王大臣奏稱昨初一及初  
四每次僅得雨三寸餘雖堪接潤尚未能深透惟冀日



內再得盈尺  
渥澤為幸耳

### 永恬居疊去歲韻

山莊到半月山館坐如新

駐此已半月以望捷心殷未  
來游憩今日乘暇偶臨儼如

初至山莊時也

省歲幸時若

去歲此時正值望雨是以到山莊  
幾及兩月未曾來此直至六月廿

九日得透雨後方始至此題句因有彌月鮮遊興霑膏  
偶試巡之句今歲自前月廿四日駐蹕是日即獲優霑  
旬餘以來或間一二日或連日率得陣雨即晴不特  
山田十分霑足而早晚亦覺涼爽勝於去歲遠甚

征

苗尚命綸

上年駐山莊因征勦楚南苗匪盼望擒獲逆  
首捷音今又閱一年雖首寇石三條現已俘

獲解京吳廷禮亦伏冥誅止餘石柳鄧一人即可就獲  
而相距乾州不過十餘里已可望見惟因雨多山滑不

得不俟晴霽後始能進兵前據和琳奏已  
即指示機宜日盼大功迅奏益加殷切  
萬幾那得暇

一胸偶來巡罷詠今誠合狂哉此喻麟

昔夫子絕筆於獲麟予幸得紀

元六十年於凡依例題詠之什當不復重吟因每用麟  
筆故事以誌服膺師訓雖上擬至聖未免或隣於狂然  
夫子不得中行思及狂狷且狂之進取較勝於狷之自  
守有餘予心希中道不敢不以之臺勉或即此自視為  
狂之一念當為我夫子之所與耶

### 素尚齋疊去歲韻

迴廊仍拾級戀景豈非貪未肯字停五依然韻疊三

去歲

疊癸丑韻意謂今歲來此可不須摘句而茲  
來復饒吟興再疊前韻則并癸丑為三矣

山深涼滿

谷茅密徑鋪菴剩此書一幅明年絕筆堪

齋中尚餘一處可以懸詩

若至明年即可不復拈吟矣

### 創得齋有會

有興更西行山蹊尚坦平節勞憩嘉蔭畏暑體輿情

自永

恬居至是齋約有數里岩蹊宛轉境極幽邃而路尚平坦惟暑天登陟僕從汗決衆勞堪念是以每來此必於樹木叢蔭之下幾番停憩以示體恤之意且幾服遊覽沿途峰態林姿俱堪怡目正宜從容延眺又奚必如杜甫詩所云都緣覓句忙耶遊爾有何亟得之那忘賡以云稱太上亦

頗協初名

林下一首四疊乙未韻

乙未曾斯憩遙期授位便

朝臣致仕者向有林下之稱予踐昨之初立願至乾隆六

十年歸政可以比之致仕者優游林下是以乙未憩此戲題有擬號箇中者還當二十年之句彼時距歸政之

期尚遠而今竟仰荷天恩幸符初願感何可言

天恩符獲已子政訓猶肩

予既上邀月正元日傳位

懋恭以今歲

冬予皇帝率內外王公大臣奏請予於期頤後再行歸政情詞甚為懇摯予以昔奏上帝之語豈可自違

是以弗允所請然自揣精神強固又曷敢自耽逸豫遂即自謂閒人是以至今每日披覽奏章於察吏勤民之事隨時訓示予皇帝俾得勤加練習予

吳蒼鴻佑之恩耳

察吏賢及否勤

民喫與穿設惟自圖逸志敢負初年

留京王大臣報得透雨詩以誌慰

五月雖霑澤不過潤接田

今歲京師春膏頗渥入夏後  
寔尋望澤四月下旬至五月

初間雖屢次得雨然不過僅  
堪接潤總未能十分深透

幸從駐避暑

恩佑乃蒙

天

五月十八日啟蹕幸避暑山莊廿一日駐兩間房得  
雨甚屬酣暢廿四日至此地後連次沛霑極為透足

此實

天恩佑貺今歲口外雨暘  
禾黍情形較去歲倍勝深堪慰念

口外實深透京中

尚憶懸咨詢曾一再

此間雨澤頻霑可稱時若惟京城  
是否一律霑被彌殷縫系因馳詢

留京王大臣據覆奏京城於廿一日得雨四寸後未經  
續霽聞蘭溝以南至京一帶土脉乾燥農田自必望澤  
甚殷復又馳諭詢問並命於黑龍潭覺生寺二處分壇  
祈禱嗣據奏京城於初一及初三四等日得雨約有三  
寸仍未為霑足又復馳詢近日是否尚能接潤曾  
否續得甘膏田禾長發如何據實覆奏以慰懸切

奏報

此披傳霽霽已午未渥優高下全

茲據留京王大臣等  
覆奏接奉諭旨後虔

誠祈禱旋於初六日已刻陰雲濃布午初即霏雨點漸  
次綿密自未至申勢更優渥連前接潤實已深透當此  
禾苗長發之際得此濃膏高下田畝自當日見芄  
遂所有雜糧菜蔬等項亦俱鮮茂農民甚為歡慶

潤滋

禾黍茂餘及豆蔬鮮心沃憂稍解農蘇感倍虔希將勝

去歲

去歲五月中旬至山莊後雖屢得陣雨總未霑足  
至六月廿九日得雨不為不優惟因前此晴霽日

欽定四庫全書

西製詩餘集  
卷六

十五

多是以七月初仍望續霈至七月望日又得甘霖自丑寅逮酉刻未止點滴入土始為深透因有問徹五更夜歲惟距秋成尚遠此後猶希暢雨時若未敢即為滿意也  
秋遠敢云然

題文園獅子林

三年一瞬迅如何太上新稱可罷哦實合高閒閒未肯依然無逸逸宜麼來今去昔胥原幻武水

即武列水鄉道元水經注

濡水東南流武列水入焉其水三川派合西源曰西藏水西南流東藏水注之東藏水出東谿西南流與中藏水合又南右入西藏因曰其川曰三藏川又東南流逕列谿謂之武列水東南厯石槎下按石槎即今之鍾峰

也詳見向所作熱河考

文山雅共和維則倪徐蹟且置羸他惟是

鹿遊多

### 清舒山館

獅林近構肖南方山館清舒閱歲長一水宛然隔南北

幾章歷久詠烟光

每年至此率多有詩張之壁間自辛酉至今不下數十首矣閱年既久摘

詞不覺日富雖授政宜簡詠而興之所至仍不能自己也

清誠清矣擅塞苑舒未舒

哉籌楚疆

征剿楚南苗匪一事已幾年半祇以山高徑險蕪之地多陰雨未得迅歲大功雖屢次攻

克苗寨殲斃不計其數除吳龍登悔罪乞降外其首惡吳半生石三係俱已俘獲解來尚有石柳鄧一孽潛匿



未獲昨據和琳奏近又攻克得鋒山全壁嶺等處險要距乾州不過數里指顧即可擒獲惟盼捷音迅至即可舒懷顧茲詹額豈能以清景當前遂即自娛耶

舞勺年前沐

恩眷何期太上號斯皇

舍德齋口號

義象分明著進修如其自詡有何休舍之一字

聖思廣

齋額為義所包至廣

皇祖御題每至是齋敬繹舍字之

又在我者貴乎蘊藏施物者貴乎廣被有孚惠心勿問元吉向皆有詩每闡其旨至於今日則又有合文言乾

上之義矣

知六文言義合不

命蠲湖南湖北二省來歲應徵正供錢糧詩以誌

事

乙卯黔楚苗之叛藉口其田民占彼

黔楚二省苗民踐土食毛久安耕鑿

近年以來內地民人入苗寨貿易者不免有一二侵種苗民田土之事地方官失於覺察突於上年乙卯春初有貴州苗人石柳鄧與湖南苗人石三保等勾結藉口漢民占奪苗民田地倡亂謀為不軌苗衆為其迫脅焚掠鎮筵等三廳地方民人房屋財物二月初湖廣總督福寧貴州巡撫馮光熊等馳奏不得不調兵進剿

北邪教覘軍征赴內地虛騷動起二督率兵征南苗屢

建功難數

上聲

僂指特以境險雨雪多近甫臨深襲穴蟻

賊窮竄匿各逃生罪首已獲解來矣

雲貴總督福康安四川總督和琳一

聞逆苗滋事各率兵迅速馳赴福康安先將貴州銅仁之賊剿開和琳先將四川秀山之賊洗淨兩軍會合直抵湖南連次克捷殲賊不可勝計如蘭草坪黃瓜寨蘇麻寨茶坨柳芬上下西梁大烏草河高多寨吉吉寨連雲山僻多山長吉山火麻營等處險峻卡寨全行攻破立功難以俟數逆苗自知罪在不赦抵死抗拒兼以該處萬山之中林菁茂密峰坡陡滑不能不設法攻圍致羈時日近日賊勢益盛已成瓦解首逆石三保逃至烘寨為降苗等擒縛其時防守後路之總兵張廷彥聞信即馳赴該處將石三保械繫送至軍營驗明派總兵朱射斗道員清安泰押解來熱河訊辦約出月即到矣

惟剩次渠石柳鄧想成

擒捷途中抵

石三保既已就擒吳廷禮亦伏冥誅此時止有石柳鄧一人勢更孤立且係貴州苗

人與湖南苗衆種類非一自必益相攜貳大兵衆入攻  
圍不難生致想此時早已就擒解送在途從此直抵乾  
州平隴苗境悉平惟待喜音  
**湖北督撫各攻一**  
湖北白

馳至楚南之事即全歲矣  
煽誘愚民本非一日前歲嚴緝懲治之後餘衆潛蹤近  
因湖北各營兵弁俱調赴湖南征苗地方未免空虛遂  
致邪教等乘虛紛紛滋事而湖廣總督畢沅在當陽攻  
城未克巡撫惠齡在灌灣腦地方圍剿賊首張正謨亦  
尚未生擒剿滅然當陽賊衆困守孤城彈丸之地破在  
旦夕而張正謨勢亦窮蹙糧食將盡斷不能苟延殘喘  
自亦不難  
**彈丸恃阻延喘詭襄陽邪教羣應之乃伺兵**  
即行殄滅

**單擾田里**

維時鄖陽府之竹山竹谿保康等縣亦有邪教滋擾因命西安將軍恒瑞帶駐防滿兵二

千名及署興漢鎮文圖帶鎮標兵一千名馳往而永保  
亦適自新疆回京至西安聞信即一面奏聞一面馳會

恒瑞等將鄖陽各屬之賊勦除殆淨其漏誅餘孽復東與襄陽教匪糾聚焚搶接到豫撫景安之奏隨命鄂輝慶成明亮前往並派直隸山東山西之兵共五千名而永保恒瑞亦帶兵追勦至彼惟各處兵弁未到之先兵力稍單以致賊匪搶劫樊城呂堰驛一帶田里之間不能不遭其擾害爰命將臣董正師

明張捷伐靖邪鄙襄陽襍種馱奔獲魁指日盼音喜

襄陽樊城為南北衝要之區軍報馳遞所經關係匪細遂命恒瑞永保一俟官兵到齊趕此聲威壯盛明張捷伐以靖地方節據馳奏分投攻勦誅獲無數並將呂堰驛大路之賊殲戮已淨餘匪復逃至棗陽一帶窺伺縣城並省北之孝感縣城外亦有匪黨屯聚幸恒瑞永保等先派兵五百名守禦棗陽縣城大兵隨後分隊直前雖當大雨之後將士不以泥濘為難及離棗陽三十餘里賊衆迎隊抗拒官兵鎗箭所及立斃賊匪三四百人

餘衆方始潰散近又將蔣家壩賊衆大加殲戮棗陽縣城之圍已解而孝感地方亦有將弁率兵堅守因有旨令永保赴彼勦辦旋據恒瑞等奏共推永保為統領事權乃可畫一正與朕意相合足徵和衷以公事為重覽奏甚為嘉悅隨即允其所請並令永保暫署湖廣總督悉心籌勦想師克在和指日擒獲首惡並即掃蕩餘氛喜音可以

所欣鄉勇及良民助官誅逆堪嘉美

逆苗等倡亂滋

事進勦官兵不下數萬而地方紳士民人團練鄉勇隨同官兵打仗殺賊者亦復甚夥至湖北邪教匪徒勾結滋擾當所調各省弁兵未經到齊之前亦多有良民等自相團練或擒殲賊匪或保守地方或聞匪衆約期舉事先已出首捕獲此等鄉勇良民深明大義為公出力實堪嘉予是以節次降旨加恩賞賚官職翎頂及鹽菜口糧有差但被燒搶亦已多實深憐恤塵無已戴功近以示鼓勵

美合獎良明歲正供蠲降旨

湖南湖北二省被逆苗邪教等擾累地方業經降旨

分別蠲免復念賊衆焚掠蹂躪之處民人不免失業固堪憐卹即該二省別府州縣未被賊氛者亦有運送糧餉軍裝及官兵經過等事雖辦理一切均係動支帑金然究不能不資藉民力朕心深為軫念當溥施渥澤茲復降旨將該二省來歲應徵正供錢糧普予豁免並令該督撫速即騰黃俾鄉村僻壤及早聞知用示加惠無意已至庶幾元氣復閭閻教化未臻慚愧已

雨 六月十八日

自駐山莊優被霖時暘時雨屢從心

前月廿四日駐蹕山莊是夜即得雨

深透至廿八日復得陣雨隨即晴霽自六月初一以後頻霑渥澤或二三寸及寸許不等今歲口外時雨時暘

大勝昨歲可謂從心所欲予  
感荷 吳貺益深兢惕

近三兩日炎微熾茲午申

時靈透深

十六日入初伏近三兩日以來天氣微覺炎溽此亦時令使然正望得有時雨可以滌暑

今日午正後雲陰坐佈雷雨驟至勢甚霽霽直至申正  
後方止極為透足不特大田益資芟茂即園圃蔬豆一  
切無不發榮滋長  
實於農家大利

高下黍禾增尺潤圃畦蔬豆簇盤森

覺勝昨歲斯際况戒滿夔夔益勵欽

### 遊獅子園

獅峰東對以名園

園外東南二里許有峰似獅子因以名園 皇祖書額 賜懸門額

賜額當門



聖藻存依舊躍

龍池館在每因觀象盱宵敦遲來允以心煩緒

往年駐山莊後

十餘日即來斯園今歲駐蹕後雖暘雨應時較之去歲為勝然以楚省南北軍務繁心日深切盼逆苗石三保現已擒獲解來而生俘石柳鄧喜信尚未馳至湖北勦捕邪教逆匪等屢次奏報賊無算而蕩平之信尚在殷盼是以心緒煩悶今日始來此一遊計至山莊已將一月矣

偶憶宛看景實原六

歲居斯令八六

康熙五十五年丙申子時年六歲始隨

皇祖幸山莊皇考來居是園

無遷一瞬閱高奔

妙高堂繹義

園中選勝置堂館多有

奎章賜題額

園門所揭獅子園三字額及妙高堂樂山書院環翠諸額名皆昔年皇祖御筆

題賜者

此堂居山之最高故取蘇言標迴格

金山有妙高臺乃蘇軾所

題是堂居園中山巔故有仰思取蘇軾名臺之意以顏堂

聖意喻景表高雖有象妙無迹妙以示高象出塵高而蘊妙迹難覓內聖外王蔽兩言服膺願守斯一脉

遊返入石城憩宜照齋作

山齋石城裏宜照久名呼為

去聲

是延西日兼因近便途

却多清曉出

齋在山莊石城西北門內每詣獅子園必於斯齋傳餐視事後出西北門取路最為

近便然出以清曉遊返至齋中小憩率亦不過辰巳時中從未有值夕照時者齋名宜照之義固寓照鑒萬幾偶寄喻陶詩所謂在彼不在此也

率背夕陽圖小坐思照義斯遊宜否

乎

舍青齋

去年本擬罷言詩

去年題是齋詩有壁留闕處已題遍亦欲從茲擬獲麟之句今歲來此原

擬不必依例題什然予仰蒙上天貺佑符願授終而訓政勅幾康強猶昨幸為千古全人況籌辦楚省南北軍務宵旰縈心是以結習難忘仍不能不拈毫一抒懷襟初非因林壑清佳徒為問景探奇之什耳小

憩究難弗置詞可識人情多結習顧當軍務正縈思拘

兇扼要功成近

湖南逆苗首石三保前經擒獲解來不日可到昨據和琳奏官兵攻克全辟嶺

後乘勝深入逼近乾州苗匪等各思守護田苗寨落抵死抗拒經和琳督率額勒登保德楞泰等統領勁兵將廖貢坡水牛坡等處要隘全行奪獲賊衆紛紛潰敗竄至馬鞍山後各路官兵圍剿殲賊無數直追至河邊相距乾州甚近等語想此際大軍直抵乾州將石柳鄧生擒喜音已在途次又據湖北巡撫惠齡奏督率文圖等分兵五路攻剿灌灣腦賊衆痛加殲戮緊逼賊巢檢閱所進地圖賊匪佔據卡隘彈丸窮蹙已屬無幾自可一鼓撲滅首逆張正謨諒必易於俘獲看來事

若雨時暘

農卜宜比較昨篇誠厚幸

今年自駐蹕以來暘雨時若塞田禾黍暢茂可卜有秋

閱上年乙卯詩快此時正當望雨甚殷之際至六月廿九日甫得渥澤然因此久晴山田仍須繼霈是以七月初間詩中尚有望雨之句直至七月望日乃得甘膏深透以現在賜雨晴形而論比較上年實為大勝予既深慰幸感荷  
吳思但念秋序方長寸衷虔慎遑敢遽爾自肆耶慎哉遑敢慰心怡

雨  
六月廿三日

向吟伏暑宜五雨

五風十雨固為時若休徵然伏暑之際五日一雨乃於田功有利是以甲

寅有赤夏五雨驅溽占及今歲有夏令易風誠合宜之句茲對肅霖正及時間  
去聲日

偶霏二三寸

今年塞外雨澤調勻自六月十六日入伏後間日得有陣雨二三寸不等既可滌炎

又滋禾稼終朝優霈下高陂麥薈塞外非甚藉  
口外天氣早寒

所種秋麥甚少而禾黍則播種極多藉資口禾黍秋來  
內度冀此後暘雨如斯秋收或卜豐慶也

或可期虔祝如斯入仲八暢哉顒爾益攷攷

### 千尺雪漫題

將謂斯來可簡詩峽情雪色眼前披故人似與忽當面  
那得默然無一詞

雨時暘若今年幸望捷依然昨歲同

去歲此時正當望雨又盼擒獲逆苗

首惡捷音今歲幸塞外雨暘時若迴勝昨年現在首逆石三保業已生擒解來而次逆石柳鄧就擒之報未至  
馳望喜音竟得勝官軍臨賊近中心更切速成功

昨據和琳

奏官兵得勝直前四面攻圍距乾州賊巢不過數里賊勢萬分窮蹙逆魁石柳鄧無處可逃成功歲事即在旦夕今又閱三日喜報尚未遞到益加切盼為之瞪勞而湖北惠齡等前經奏攻克賊卡逼近巢穴尚未見續報擒逆之信亦切殷盼

觀瀑用前千尺雪二首韻

上皇原可不言詩其奈擬擬聲色披笑未臻無聲色處  
擬擬者任各為詞

耳聽目視居然異內識外塵本自同

聖意題之曰觀爾

觀瀑二字額乃之聲宜聽而斯曰觀

皇祖御書夫瀑者蓋達聰必先

之以明目此虞書所云心法治法  
之序也敬繹奎文寓意如此付他物物自為功

直隸總督梁肯堂河南巡撫景安山東巡撫王德

山西巡撫蔣兆奎陝西巡撫秦承恩各報得透

雨及大田長發情形詩以誌慰

北省今年暘雨若天中收麥八分奇

廣韻集韻韻會並居宜切音羈又文

獻通考載東都戶口之數有奇云云蓋奇零之奇言數有餘也  
今年北省暘雨時若農慶有收前據河南巡撫景安奏通省一百八廳州縣二麥收成合計八分有餘茲又據奏開封等九府暨許汝陝光四直隸州各通屬先後稟報五月內疊次得雨自一二三寸至四五寸及深透不等現在景安自軍營回駐楚豫交界察看境



欽定四庫全書

御製詩餘集

卷六

二十四

內高梁早穀均已吐穗結實晚禾稌糧亦極長發可春  
卜有秋各屬市集糧價有減無增民情歡洽等語

三夏四澤雖異始北繼南膏普滋

直隸保定等府州屬於三四月間均已得

雨優足大田暢茂惟正定順德廣平三府并定州屬未  
得普遍茲據梁肯堂奏六月十三四五等日正定順德  
廣平三府及定州俱報得雨深透秋禾一律勃發并據  
順天保定河間天津大名易州冀州趙州深州所屬同  
報普霑在在深透尤喜十六日既閱左齊全屬透

據玉德奏

天氣即晴禾苗更得暄潤之益  
山東省城於六月十四日戌時起至十五日卯時止微  
夜滂沱入土極為深透正當禾黍豆穀含苞吐穗之際  
得此應候甘霖無不倍見長發並據濟南府屬之長清  
等四州縣東昌府屬之高唐等三州縣泰安府屬之新  
泰等三縣兗州府屬之滋陽等七縣沂州府屬之蘭山  
等四州縣曹州府屬之荷澤等七州縣登州府屬之黃縣

等二縣萊州府屬之濰縣等二州縣青州府屬之益都等四縣濟寧州並所屬之金鄉等三縣臨清州並所屬之夏津縣各稟報均於初七初九及十一十二等日各得雨三四寸及深透不等現在通省普被甘膏兆豐有象士庶歡騰等語

即欣右晉合疆時

據蔣兆奎奏太原等九府屬遼州等十直隸州并所

屬暨歸綏道所屬各廳陸續報到於五月初八九十四五六七并二十二十一二三四五及二十八等日得雨自二三四五寸至深透不等本年二麥約收八分有餘現在省南之平陽蒲州絳州等處二麥業已登場其餘南北各屬二麥正當結實甘雨頻霑顆粒更可飽滿而通省早種之秋禾稌糧均屬暢茂續種之晚秋亦經濟全民情欣忭

陝佳甘遜慰無惜

據秦承恩奏前因駐劄興安地方寧謐於五月二十

六日起程由安康至平利洵陽白河暨商州屬之鎮安等縣察看所設卡隘甚為嚴密所過市鎮村莊俱極安

欽定四庫全書

御製詩餘集

卷六

十五

堵現在夏令已深各色秋禾一律長發暢遂五月十六  
七十二五六及六月初八九等日連得透雨土膏沃洽  
渠水充盈實為西成豐稔之徵秦承恩於六月十二日  
向至省城據西安鳳翔漢中同州商乾邠鄜等八府州  
屬稟稱雨水禾苗情形均與興安府屬相同覽奏為之  
欣慰惟甘肅省春夏以來雨澤稀少前經總督宜綿奏  
阜蘭等州縣平原地畝及高阜之處田禾被旱夏收無  
望深為軫念即降旨將該省缺雨地方或酌給口糧或  
開倉平糶並將本年應徵錢糧概予緩徵以紓民力並  
申諭督率屬員實力撫綏俾小民咸霑實惠在北數省  
中甘肅不過一隅之地被旱其雨暢調順者十居其九  
此亦萬不能齊之數惟有盡心賑貸使不致有失所而  
已隅向特廩命賑施

御製詩餘集卷六

欽定四庫全書

御製詩餘集卷八

集部

七至

欽定四庫全書

御製詩餘集卷七

古今體三十六首 丙辰七

咏荷一律

先荷後瀑乙之卯

每歲駐蹕山莊必有詠荷觀瀑之什  
上年乙卯則先咏荷後成觀瀑口號

前瀑次荷丙此辰

今歲丙辰日前已疊千尺雪  
二首韻作觀瀑詩茲始詠荷

在彼

開殊值涼燠

上年此間自五月杪至六月中旬總未得  
雨荷花雖係水芳亦因渴澤避於往歲是

以詠荷詩內惜其被旱有水中之物亦愁旱何況山田  
泰輿禾之內直至六月廿九日得有透雨後瀑源增盛

乃始作觀瀑詩故  
較詠荷尤遲爾

惟予念總切人民

今歲口外雨暘應候園中瀑水飛流

溶演可以驗西間渥潤大利農功遠勝去歲是以心為  
慶幸本擬簡詠詩篇而觀此青澤充盈不能不拈毫誌

慰予惟念切民依詎徒為  
聲色擬擬怡耳悅目耶

幾曾興寄聲和色

謂瀑

亦匪娛

圖心與神所詠觀蓮書壁遍

歷年詠荷七言絕句二首書懸齋中檐壁至上年已

滿再無隙地可書茲復成七律一章  
命鐫配硯冊匣之面以誌歲月云

檀袞冊匣命鐫陳

每歲駐蹕山莊塞湖菡萏舒英例有題句書懸觀蓮

所檐壁至上年乙卯四圍已滿因命董誥將歷年之

詩彙書一冊陳之硯左並識明丙辰歸政後可不必

依例題句但予仰蒙

昊眷紀元周甲心願符初今歲元正大廷授璽稱太上  
皇帝幸為千古全人而子皇帝掖奉安輿莅斯待獨  
情景與每年無異又不可不摛詞以誌千載一時之  
盛復成七律一章即鐫冊匣之面明歲來此竟當如  
前約簡詠武列君子亦必知予意也御識

孟秋朔日作

昨朝密雨似連陰斷續飄蕭恐作霖都謂山田深始透

獨虞商令臙成沉孟秋報子雲消縷碧宇騰曦氣朗金  
豫日繁愁頓生慰慰中惟切惕而欽

喜晴

七月初二日

農祝有常謠繼晴喜翼朝

北地農家有不怕初一霖只怕初二陰之謗前月廿九日得雨

竟日連宵十分深透昨孟秋朔子時豁然開霽今日又復繼晴適協農占大田得資暴曬暑氣全消人欣與塏然予今早自寅刻即怵惕縈懷直至酉刻夕陽下春竟日晴定乃敢拈吟誌喜即此亦足徵為君之難耳

寅連酉怵惕

天與日光昭田茂秋暘暴人欣暑氣消夕暉千樹朗乃

敢五言調



出麗正門觀稼作

山莊駐蹕月餘過策馬孟秋出閱禾大勝昨年祈澤况

虔蒙

蒼昊錫恩多與與穗結圖雅什疊疊捷傳近凱歌

今年塞外

雨暘時若大田長發滋榮今日乘馬出麗正門沿隄閱  
視禾黍均已吐穗含苞又幸秋陽暴曬更得顆粒飽綻  
將來秋收可以豫卜豐稔較之上年祈澤殷心實為大  
勝倍徒且連日據和琳永保恒瑞惠齡福寧等各處奏  
報官兵大獲全勝賊無算並擒獲謀逆首惡即日可  
以成功歲事楚省南北全境蕩平尤堪欣慰仰沐

昊貺優隆感戢武慶農惟戒滿冰淵敬凜敢言佗

立秋 七月初五日

朔翼均晴朗欣連五日長厯來所希遇方寸敬無違或

可西成卜仍殷南捷忙

湖南湖北各處軍營前奏屢獲勝仗逼近賊巢而日內和琳收

復平隴地方生擒石柳鄧之摺尚未馳到其惠齡擒獲張正譔福寧攻克旗鼓寨及永保恒瑞等追捕襄陽以南逃賊明亮勦洗孝感匪黨亦應陸續奏報均尚未至是以月初以來雖天氣霽朗大田可望有收而欣幸之中仍不能不殷殷馳盼也 尾婪申酉熱落日送風涼

澄觀齋

欲出北門必此經

齋在山莊東北隅每出石城東北門必於此傳餐理政殿內有 皇祖

御書惠迪吉三字額檐前齋名乃予所題也

傳餐理政合延停去年如是今

如是望捷依然心未寧

### 翠雲巖

後軒咫尺倚雲巖書勒檐楹周遍咸昨歲已稱應絕筆

上年廊檐止留餘地一處可以懸詩乙卯題句恰補其空因有年週乙卯乙卯至竟得明年罷咏乎之句今歲仍此拈吟亦自難忘結習重喃

### 瞻禮安遠廟用庚戌年詩韻

塞外諸蒙古佛尊不敬仙

蒙古諸部落俱崇信黃教喇嘛敬佛而不敬仙是以塞外

但有佛寺而少道觀制宜在因地平準噶爾建多年伊犂河北舊有廟曰固爾扎其

俗虔奉尊禮制度莊嚴甲於西域自阿睦爾撒納之叛賊黨肆掠廟遂燬廢迨我師再定伊犂後於甲申歲規

度山莊東北岡阜做其武建是廟名之曰安遠以梵僧居之習宣頌讚至今已三十三年每歲駐蹕山莊舊藩

新部絡繹鱗集咸來瞻仰共增歡喜蓋因地制宜闡揚黃教即以寓懷柔遠人之意耳 初尚懷柔

豫伊犂用兵之始惟大學士傅恒見與朕同然朕亦未敢遽信必能掃穴擒渠刻期耆定其時因新附之厄

魯特諸台吉力請興師願為先導而喀爾喀之地又不可以久居錯處莫若用其鋒而以偏師試之故凡禍

旗命將之典聚未舉行乃定議不過二人籌策不過一年兵行不過五月大勲以集既而回部以次戡定五年

之間西域盡歸版圖是 天佑我大清究非人力也於是圖久安策善後命大臣率兵駐守屯田開墾以佐

軍實然屯種於萬里之外戍守於殊俗之區是以彼時  
平定準噶爾後勒銘伊犁碑文中朕猶未敢自謂計之  
得乃竟蒙上天慈貺迄今四十餘年潛移默運休  
養敕寧與內地臣僕無異信非可以倖得予惟日益兢  
兢持之以敬違敢自詡為  
**今茲徠疊駢**  
保大定功才略所致耶  
益恢若哈薩克  
布魯特安集延拔達克山霍罕瑪爾噶朗那木于塔什  
罕諸部亦相率向化輸忱遣使朝貢至辛卯歲又有土  
爾扈特全部跋涉萬里而來投誠歸順士子歲西藏邊  
外之廓爾喀謝罪獻地雖歸降而實同歸順凡此徠遠  
之盛真自古罕有倫比然  
**安全幸歸政肥訓永欽然**  
皆非朕始念之所及也  
臨朕  
御六十年以來寅荷  
吳蒼薦祐  
宗拓貽庥中  
外一家安全熙洽今歲元正傳寶自幸付託得人而身  
體精神康強如昨若即耽於逸豫自謂高閒將天下政  
務民莫一切置之不問悉由于皇帝辦理豈非有負

天恩予非惟不敢抑且不忍是以猶日孜孜隨時脩訓俾子皇帝朝夕稟承練習制治咸宜如楚省南北軍營功成已近籌訓機宜南河豐汎漫口指示堵築之法每披摺閱圖動輒移晷不以為勞俾得事協萬全此實朕與子皇帝下逮天下臣民之福子皇帝惟當以予之心為心兢惕欽承綏祿懷遠則我國家億禩丕基益慶永矣  
延於有

江南河道總督蘭第錫奏報豐汎六堡黃河隄工

漫溢詩以誌事

十年幸慶晏平瀾

自五十二年六月睢州十三堡漫口合龍後今已閏十年河工平善無事

豐汎驚聞有漫灘

據蘭第錫奏江南豐汎黃河於六月十八日陡長水五尺餘普面漫灘十

九日夜風狂雨驟河溜擁高數尺由六堡舊園埵漫過  
大堤坐墊口門塌寬五十丈掣動大溜正河尚有四五  
分即趕緊將漫口盤頭裹護築做挑水壩挑溜使歸正  
河并飭銅沛廳將蘭家山壩下引河疏通俾水由荆山  
橋水線河中入路馬湖由六塘河歸海現在時屈立秋  
高梁遍地成熟趕備稽料晝夜進占堵閉等語聞之深  
念為廩

六堡舊園湧急溜大堤坐墊奪洪湍河臣惶懼教

勤治

蘭第錫以疎於防範自請治罪念因暴漲所致不  
加責備俟堵築事竣後核其功過再降諭旨並諭

蘇凌阿由潁州速回工次會同蘭第錫督率辦理又傳  
諭康基田自山東馳赴一同酌商妥辦以期迅速合龍

已德失疎肯自寬堤籲合龍在宣築

外宣洩堵築二事

蘭第錫初次所進河圖未免草率形勢不符因於續進  
圖內將硃筆畫記指示在大堤坐灣之處向東開挖引

河一道引水東注歸入正河并諭將引河之尾加寬使  
之暢注俾漫口不致喫重易於下埽鑲築並發去藏香  
交該督等虔誠叩禱河神默佑若能災區命急恤民  
於霜降以前早得堵閉合龍局勝欽願  
安漫水下注豐沛二縣城鄉居民被浸實堪憫惻因命  
該督撫速行察看賑卹不惜帑金毋令一夫失所其  
下游山東曹單地方亦馳諭王德詳  
勘撫綏務期實惠同霑以示軫恤

雨  
七月初九日

正值末庚暑欣符十日期

昨初七日入未伏溯自前月  
廿九日得雨十分深透至今

恰符十日之期適  
獲甘膏九占時若

八時霈疎密

今日丑正起至卯初止  
雨勢疎密相間已刻後

雨復時作時止迨酉方晴凡閱八時之久入土約三寸  
餘現在禾黍正當結穗升漿之際一切菜蔬蕎豆亦望



繼露滋潤得此甘霖實屬有禪且日來  
秋暑頗盛雨後頓覺清涼尤堪慰喜  
三寸渥淋漓禾

黍結穗飽菜蕎發穎滋夕陽欣快霽

日來雖切望雨又恐太過成霖雨念

無榮為之弗釋直至夕陽朗照心  
始快然感荷  
吳慈益深寅惕

天眷惕增寅

敬晴齋漫題

望雨來斯題每悶喜晴至此句多佳

辛巳七月是齋構得恰值快雨新霽

因題詩以落其成有適來欣霽景便與勒新名之句至  
今已三十六年嗣是每歲來斯必有題句大率晴久望  
霖否則連陰盼霽若雨暘應候亦多有誌  
喜之句雖憂喜無定莫非為民縫念也  
一心莫定吾

哂我四壁不知彼自齋今歲七言誠復異

今歲自五月廿四日至山

莊以來已幾兩月屢獲甘霖旋欣快霽較之上年遠勝  
目前秋禾亢遂豐稔可期本擬簡咏詩篇今日天宇晴  
佳於未泰暴曬尤宜偶憩斯齋循名  
適協又不能不拈毫一抒懷抱耳  
夏秋兩月幸無乖

謂宜當境適意矣待捷經年更切懷

以現在雨暘而論可謂時若理宜快

意欣懷惟勦辦湖南逆苗自上年二月至今已經歲半  
有餘之久雖昨據和琳奏日內即可收復平隴地方擒  
獲石柳鄧正法大功全藏乃又聞數日未見馳奏即湖  
北勦捕邪教逆匪各處軍營雖屢報得勝殺賊甚多不  
難藏事但又隔數日而擒逆俘  
首之信亦尚未至切盼尤甚

廣東總督朱珪報早稻收成八分有餘詩以誌慰

收報西成南北異誠緣早晚本殊方

南北寒煖不同收成因有遲早是以

奏報亦分先後廣東地氣極炎六月中早稻已收故先奏至

即看稻熟登下稔

據朱珪奏

收成九分有餘者崖州九分者新興等四縣八分有餘者龍門等十九州縣八分者南海等五十七州縣及南澳一廳七分有餘者仁化等五縣七分者歸善等二縣六分有餘者大埔等二縣總計通省早稻收成實共八分有餘可稱下

稔亦堪慰念

已是今秋第一祥九寓關惟衣與食寸

衷禱在雨和暘遇佳豈不因民慰慰少憂多亦固當

今歲

各直省及口以外地方無不雨澤調勻秋收可望豐稔誠足為民慶慰惟因勦捕湖南逆苗湖北邪教雖各處大功均屆垂成即可藏事而喜音尚未遽到且又有堵築豐汎漫口之事不能不深繫盼殊覺憂多慰少然在

予仰荷  
當得惟冀  
生咸得休息  
是所虔顙耳

上蒼厚春自古稀逢即此不能去憂亦所  
鴻慈垂佑軍務河工俱速告竣該處民

夜雨朝晴

夜雨朝晴愜塞垣佳哉農務合謠言

農家向有夜雨朝晴滿斗滿升之語

目前未泰均已結穗得此好雨霑秋陽暴曬子粒當更加飽綻矣

言之雖易却難遇利

以得滋更藉暄適可抵京卜秋熟例看鐙火慶中元

七月

十五日道經謂之中元節釋家於此日為盂蘭盆會每歲是日例於山莊湖內放水鐙昨日未刻以前微雨時作時止至申酉間閣陰未落竟得舉鐙火慶節亥刻後復密雨幾三寸餘今早天宇澄霽晴旭曠曠實為順適

如斯順遂宜怡豫盼捷心殷刻更煩

直隸總督梁肯堂報秋禾江西巡撫陳淮報早稻

皆約收成九分有餘詩以誌慰

昨日剛欣粵東疏一朝報到兩疆書畿南江右均中熟

早稻秋禾率九餘

據梁肯堂奏直隸秋禾約收十分者宛平等三十三州縣九分有餘者霸

州等三十五廳州縣九分者保定等三十三州縣八分有餘者大城等二十州縣八分者永清等十七州縣七分有餘者晉州等三州縣七分者寧河等八縣總計通省秋禾約收九分有餘又陳淮奏江西早稻約收十分者寧州等二十八廳州縣九分者南昌等五十一廳州縣總計通省早稻約收亦九分有餘

自幸何

修能遇矣更思那謹以承諸

天恩今歲頻饒慶歸禪庶幾未失歟

即事

乾州淨勦當陽復

上年二月逆苗石三保滋事搶劫乾州嗣經官兵勦克柳芬後餘賊竄入

平隴而平隴與乾州相近但西南兩面無路必得先抵乾州方可進擣六月十四五等日和琳督率大兵連克尖雲山黃連坡晒穀坡賊卡六七十處殲賊六七百人直抵乾州勦洗收復俟布置大局即前進平隴擒獲石柳鄧苗驢可以全定矣至湖北當陽賊首楊起元斬馘後餘衆又推陳德本為首據城抗拒六月底官兵攻破東門入城殺賊五六百人賊退守城心高牆大屋內並據龜背山為負隅計七月十二日舒亮等帶兵奮勇焚

燬房屋四百餘間鎗箭斃賊二十餘斬馘生擒三十餘  
當陽全城收復自石三保被擒解來正法乾州當陽俱  
已平定楚省南北  
逆匪益形窮蹙  
南逆謂逆  
北邪謂邪  
勢已孤平隴灌

### 灣當繼靖

續據和琳奏平隴賊巢夥黨尚多必須先將  
河溪一路官兵會合然後迅擣平隴現在督

同額勒登保等分兵疏通道路搜捕前進可以指日蕨  
事又忠齡勒辦灌灣腦邪教節次攻得鄭家坪野猪池  
諸賊卡殺賊無算六月二十日成德文圖各帶兵埋伏  
患齡督兵直撲賊巢賊匪五六百人衝出盡為官兵所  
殺又破楊樹塢青草窩二卡賊寨所餘無  
幾張正謨已萬分窮迫不難一鼓殲擒矣  
梓山旗鼓逮

### 全俘

先是湖北鄖陽保康等縣邪教竊發經恒瑞永保  
等帶兵勒洗其零星東竄之賊闖入襄陽呂堰驛

一帶該處匪黨應之於是勒永保為總統命慶成富成  
德齡帶直隸山東山西勁兵前往將呂堰驛了兒山棗

欽定四庫全書

卷七

陽之賊全行勦滅而隨州之梓山又有賊屯聚水保等  
分兵三路截殺甚多並將梓山西南青潭賊衆勦盡即  
乘勝追至龍門山賊匪已竄往紅土山藏匿永保等繞  
道截其竄路再行合兵勦擊即可全行廓清並聞邪教  
首劉之協姚之富已逃往鍾祥賊營明亮勦盡孝感逆  
賊後已帶兵就近前往鍾祥諒必大勝即日永保等追  
勦到彼想劉之協等斷不能漏網矣至朱鳳之旗鼓寨  
屯聚賊匪不下萬人前經孫士毅福寧兩面夾攻痛殺  
賊匪焚燒屯穀營柵甚多嗣福寧偵知首逆胡正中逃  
出擒獲殊死餘賊遂分列三營以為犄角七月初五日  
福寧親成帶兵夾攻將大木城全行燒燬殺賊萬計尚  
餘賊首田谷敦另紮小寨苟延殘喘更不難計日全俘  
矣

去年今歲時久矣燬屋奪糧民困乎三免正供期渥

卹  
旨將本午錢糧分別蠲免並念未被賊氛地方亦有



運糧過兵之寧復將明歲應徵正供一體全蠲但今年  
正當恩詔輪免之期又諭部臣以次遞推至後年蠲免  
總期民食有資不致  
一夫失所以示優卹  
楚方遙望尚慙吾

### 登四面雲山亭子作歌

一歲一登不為頻四壁泐題亦已滿太上就閒合罷吟

既已來臨那默返今較昨秋幸時若

今歲五月廿四日  
至此是日即得甘

澤以後間數日即得雨並不嫌多即晴霽數日亦非乾  
旱且多夜雨朝晴農占協亨大田得資暴曬豐穫可期  
以視昨夏盼雨殷懷直至七月  
望日始得淫霽實速勝倍蓰矣雨不嫌多晴非旱山田

騁望可卜豐北省率然西成亶咄哉言失愁正多切盼

捷音難刻緩

山東巡撫王德奏報秋禾收成九分有餘詩以誌

慰

京畿江右九分餘

日前直隸總督梁肯堂報秋禾江西巡撫陳淮報早稻皆收成九分有餘

山左茲稱復似諸

撫王德奏自省起程前往單縣查勘漫水情形沿途目擊秋稼如雲農民

華場治圃漸次刈割據藩司彙報濟南泰安武定兗州沂州青州萊州等七府屬各約收十分東昌登州臨清濟寧等四府州屬各約收九分有餘至曹州府屬除單縣附近江南各村莊低地間有被淹之處不過一隅其餘成熟地畝同荷澤等十州縣亦約收九分有餘合計通省收成九分有餘現在糧價平減民情悅豫覽奏為

之欣  
慰

如此頻繁恩沐

昊自詢兢業曷承予昨方優澤大田溉今利使晴晚種

鋤

昨廿四夜丑刻雨作疎密相間至廿五日午後開霽  
極為優渥大田更資灌溉今日秋暘晶朗不特禾黍

將屆收穫得此暄暴益資飽綻其晚種之蕎豆菜蔬亦  
俱得利益實歡農慶惟日來盼望楚省南北擒獲逆首  
捷音甚切慰念之中仍  
不能不怵怵縶系耳  
惟是慰中仍怵怵即應捷至尚

何徐

八月朔日作

昨宵渥雨朔朝晴吉兆宜暘曉旭晶禾泰山田穗增飽

蕎蔬村圃秀滋榮虔祈如願碧天朗幸值佳符夕照明  
歸政敢忘康食念惕乾惟是祝西成

署四川總督福寧四川將軍觀成奏攻克旗鼓寨

全行蕩平詩以誌慰

老臣旗鼓攻邪教功逮垂成沒可憐署督將軍勤繼勳

川兵屯土力同宣

上年貴州苗匪滋事之始闖入四川邊境秀山地方署四川總督大學士

孫士毅聞信即帶兵前往勦辦自和琳與福康安會兵由黔入楚後孫士毅即駐劄平塊防守後路今夏聞湖北來鳳縣一帶有邪教滋擾孫士毅就近督兵將小坳茶園溪之賊勦破餘賊竄據旗鼓寨死守續經增調四

川七練土兵協勦功屈垂成不意孫士毅年老積勞成疾竟至不起深可憐憫其時糧寧在紅岩堡駐劄並未將孫士毅所帶川兵自行統領辦理因馳諭飭即命署理四川督篆並勅將軍觀成在平塊速行馳赴軍前與福寧為夾攻旗鼓寨之計嗣據福寧觀成奏帶領屯土川兵分路會勦將旗鼓寨賊人大木城全行燒燬痛殲賊匪萬計擒獲首逆胡正中等止餘賊首田谷敦等逃竄另紮小木城於高壩之上以圖苟延殘喘萬

餘賊匪猶抗禦十者雄強竟破堅

茲據福寧觀成馳奏七月十一等日率同

諸神保慶濟等帶屯土官兵鄉勇四面攻打賊匪尚有萬餘自知必死捨命抵禦十六日催兵進擊自寅至未奮勇勦殺當有把總孫應奉兵丁宋吉如等十人鼓勇先登拋擲火彈乘勢攻開木城躍入福寧觀成督催兵勇一擁而進殺賊無算維時火燄四騰房屋茅棚同時並燬立將小木城內子城二道砍開頃刻間將三重賊

巢全行焚  
燬淨盡

# 獲首勦羣西路淨

破官兵既將賊匪小木城攻

弁兵將首逆田谷敦及胡正中  
榮等八人最為兇惡之犯全行擒獲又生擒餘賊二千  
餘人其斃於鎗箭刀矛及焚燒者積尸遍地互相枕藉  
所有旗鼓寨寨全行蕩洗於是湖北西境未鳳一帶賊氛  
淨掃無餘矣因降旨嘉賚福寧觀成並加錫宮保  
銜其奮勇出力弁兵分別優擢賚賜以示鼓勵  
並鍾  
祥掃大功全

湖北各處邪教賊匪節次已將鄖陽襄陽  
孝感當陽來鳳之賊勦洗廓清現在永保

恒瑞等統率大兵前赴鍾祥與明亮舒亮等四面會勦  
自可全數殄滅將首逆劉之協姚之富等擒獲正法其  
灌灣腦之張正護止餘數處卡隘亦萬分窮迫不難指  
日蕩平而福寧觀成等之兵現已移勦瑯坪賊匪林之  
華諒亦即可擒勦盡淨此時大功已成十之八九佇接  
和琳攻克平隴生擒石抑鄧喜耆則楚省南北全行平

定仰蒙 昊賜于十全  
武功之外又贏一勛矣

### 獲鹿

園中獲鹿亦其常望九精神喜尚強手熟發機酌遲疾

山莊內畜鹿甚多任其孳生遊息與木蘭無異每歲駐蹕山莊至秋月鹿肥之時輒御火鎗墮取分頒侍從大臣及蒙古王公歲以為常今年已望九仰蒙昊亨春佑精神強固仍於幾暇即鹿偶發即中蓋自幼年夙習諳熟是以得心應手  
眼明星斗辨毫芒發鎗標指全以星斗

為準予幸目力精審不異昔年每視斗發機遠近無異多能命中  
萬幾絜矩豈異此一

意在專却忌忙蒙古王公普分賜不殊炙野木蘭嘗

向年

木蘭行圍時每親射麋鹿野炙頒賜今於御園得鹿分  
賜普令飲嘗仍與同年木蘭相似咸以予壽近期願康  
強行健無不  
共深歡慶

大學士阿桂八十壽辰詩以賜之

黃髮未曾更鮐背廿年於是掌絲綸試看信史今兮古

幸我斯時君與臣耳重目明

阿桂自丙申入閣至今已二十十年雖兩耳重聽而目

力尚能閱小字奏章部牘無礙佐理機政

政何礙前功後業福猶申

西師之役阿桂

即以侍郎參贊軍營後為將軍平定兩金川晉公爵至臺灣廓爾喀用兵並以軍機大臣居中隨侍辦理四次

功成繪像紫光閣功崇福厚遠超史冊所紀

相期矻矻慢言老七字促成賚



壽辰

張宏秋山觀瀑

紅栢蒼松秋未寒  
溪橋卓杖晒層巒  
斯人深識畫圖趣  
飛瀑無聲祇合觀

詠獵騎王韞

巧匠呈新樣  
韞鐔獵騎圖  
嘉其寓習武  
殊彼祇追娛  
原兔將聯中  
臂鷹如可呼  
殷勤王人意  
老矣略慙吾

河南巡撫景安奏報秋禾約收八分有餘詩以誌

慰

京畿齊郡胥中稔

前據直隸總督梁肯堂山東巡撫王德各報秋禾收成俱九分有餘可稱

中稔正待豫疆收疏呈茲喜報來秋熟約亦稱通屬八分

羸

景安奏豫省春夏以來甘霖疊沛大河南北普被優霑早晚秋禾一律暢茂成熟通省一百八廳州縣內

約收十分者南陽等十三州縣九分者通許等七縣八分有餘者祥符等二十六州縣八分者尉氏等四十二

廳州縣七分有餘者商邱等十九縣又永城縣因洪溝河漫溢除被水村莊數處外亦高約收七分有餘通省

合計約收八分有餘覽奏為之欣慰河南河北雨暘若民食民衣老幼亨

極力驅除邪賊淨

五月內湖北邪教滋擾楚豫交界楚掠呂堰驛地方景安聞信即帶兵馳

往勦捕並於南陽新野一帶嚴密設卡防範堵截賊匪  
雖叱聚抗拒而未敢蔓延後命慶成富成德齡等帶領  
直隸山東山西三省官兵分路進剿賊匪逃竄嗣永保  
恒瑞等帶兵會合夾擊遂將河南境內雙溝水台倉台  
了兒山諸處之賊全行洗除盡淨其零星邪教匪徒謀  
欲起應者亦為景安搜捕正法無遺民情安堵地方寧  
謐今年河南麥收八分有餘民食本屬充裕  
茲秋禾又得中豐閭閻自必益形樂利矣  
慶安平 幸同黎亦

### 中秋日作

端正年年接壽日山莊行慶不嫌頻慙躬待捷似乙卯

上年乙卯福康安和琳勦辦苗匪擬於萬壽節前將逆  
首吳半生等擒獲報捷因賊衆恃其險峻負隅抗拒且

值雨水甚大不能不稍延時日是以前中秋日作有底遲  
捷報問人情之由今往再又閱一年已將吳半生石三  
保先後擒獲解京正法而數日前據和琳奏官兵已攻  
克平隴門戶大功指日告成想此際已直抵平隴賊巢  
生俘石柳鄧喜報諒在途次盼  
捷心殷竟與上年情景相似  
**喜子承麻拜丙辰**  
于仰

昊春在位周甲今歲丙辰元旦大廷授璽心願符初  
嗣子皇帝掖奉安輿莅駐山莊避暑與常年無異予不  
忍自暇自逸訓政籌幾亦仍如疇昔十三日萬壽慶節  
御澹泊敬誠殿寶座子皇帝躬率扈從之皇子皇孫王  
公及蒙古王公台吉大臣官員等虔申九拜臚歡祝嘏  
中外一家真自古以來史策所罕有念此嘉祥允宜欣  
喜然予寸衷慚感  
惟覺倍切兢兢耳  
若喜若慚自憐獨曰今曰古鮮同臻

晚昇玉魄團圞照瓜節宜晴謝惠申

# 即事

## 齊左報來

七月下旬山東巡撫王德奏到  
山東通省秋收合計九分有餘  
晉右繼

茲八月十

六日據山西巡撫蔣兆奎奏到晉省太原等九府遼州等十直隸州并所屬各廳州縣及歸綏道所屬各廳本年渥澤頻霑秋禾現在漸次成熟約收十分者祁縣等十七廳州縣九分有餘者陽曲等二十六州縣九分者榆次等三十一州縣八分有餘者鄉寧等二十四廳州縣八分者應州等十二廳州縣合計通省秋禾約收九分有餘農民歡悅

## 秋收皆約九分餘湖南為近

十二日湖南奏

## 廣西遠

十七日廣西奏到湖南視廣西道里較近  
八月十二日先據湖南巡撫姜晟奏到該省

各屬早稻均已收成十分者湘陰等五州縣九分有餘者長沙等十七州縣九分者醴陵等十五州縣八分有餘

餘者零陵等十四州縣八分者東安等二十廳州縣內  
如附近苗疆辰州府屬之瀘溪縣鳳皇廳沅州府屬之  
麻陽縣永順府屬之永順保靖二縣上年曾被苗匪蹂  
躪之處現已廓清復業民戶俱得乘時耕作一律有收  
除間有苗疆尚未復業不及百分之一外其餘牽算實  
在收成八分有餘新糧入市米穀價值平減民情歡忭  
又月之十七日續據廣西巡撫成林奏到該省漢土各  
屬氣候不同早晚禾稻隨宜播種茲屆成熟之時核查  
漢屬內收成九分者臨桂等十八州縣八分者陽朔等  
四十州縣土屬內收成九分者萬承等十二土州縣司  
八分者忠州等十八土州縣合計通省漢土各屬早  
稻收成實共八分有餘二省同登中稔民食充盈覽奏  
深堪  
慰幸  
中稔同登一日書何處非民非赤子所關曰食曰

衣予西成都大今年好望捷獨慙刻切諸

夜雨

廿一日

山田夜雨繼前日

十九日亦微雨

體察農功頗合期禾黍已登

無慮過蕎蔬在野實含滋垂檐浙瀝如聞瀑收宇晴明  
願若時七字不眠率命筆却欣秋麥種偏宜

喜晴

夜雨既優喜曉晴今年晴雨太如情雖然歸政仍勤政  
特繿苗兵及楚兵均已近臨逮勦穴奈何大捷未傳旌  
山莊返蹕盤旋待念似昨秋愧益生

襍記

湖北近而湖南遠報收南先

去聲

北却遲都稱八分亦民

幸

湖南遠於湖北而氣候較暖收成亦早是以先於月之十二日據姜晟奏到通省早稻約收八分有餘

幸中輕重牽吾思南惟苗亂茲逮定北乃邪教為民疵

其幸未被邪害者迺遭潦害民披離

前據畢沅奏今年湖北五六月內大

雨時行上游巴江水發無之漢江同時並漲宣洩不及以致潛江沔陽天門漢江等四州縣沿江一帶隄堰被刷民田廬舍多有淹浸此四州縣地方幸而未經邪教擾害乃又被水成災情殊可憫節次降旨並撥運部帑二百萬兩申諭畢沅等實力撫綏優加賑卹是均吾過豫免三年正供毋令一夫失所以示軫念



失調變愧不可言愁何辭早稻八分濟民食

茲據湖北巡撫汪新

奏湖北十府一直隸州西屬各州縣境除被邪教賊匪  
滋擾被水淹浸及不產早稻之應山等六縣外農民俱  
各服四力犒仍慶有秋自交七月以來早禾先已刈穫  
晚禾亦可次第登場約計早稻收成九分者江夏等三  
縣八分有餘者黃岡等三縣八分者咸寧等五十州縣  
七分有餘者潛江等四縣七分者棗陽等二縣合計通  
省收成約有八分楚北地本土腴性宜早稻是以大田  
時插為多農民望歲之心較之中晚二禾尤為殷切目  
下幸獲有收穫價平減共慶盈寧即被賊被水  
之區亦藉得販運流通民食頗資接濟等語

那能言

慰聊記詞

浙江巡撫吉慶報早稻收成分數江蘇巡撫費淳

奏夏秋田禾情形詩以誌事

兩浙有收率無歟

吉慶奏浙江省今年四五月間晴雨調勻各屬所種早禾均各暢茂現已

陸續成熟先後稟報八分有餘者寧波一府屬八分者杭州紹興台州金華衢州嚴州溫州七府屬七分有餘者處州一府屬統計各府早稻收成實有八分其杭州府屬之錢塘等三縣暨嘉興湖州二府屬地勢較低向係種植晚禾現亦青蔥長

下江南稔北多霖

據費淳奏因馳赴豐

沛查賑察看經過沿途地方詢及居民俱稱七月中旬以後至八月初旬江以南之蘇州松江常州鎮江太倉五府州屬及江以北之江寧揚州通州三府州屬三旬之中晴雨得宜秋收可期豐稔惟近北之淮安徐州海州三府州地方本因積雨過多兼之黃水下注窪地不免被浸現在惟徐州糧價稍增餘俱平減民情安帖等

語

曰愁

謂蘇

曰慰

謂浙

紛吾慮慰易忘之愁轉深

披閱吉慶報豐之摺

固堪欣慰而費淳奏江北三府州屬雨水過多又不能  
不深愁縫節經諭令費淳實力賑撫地方不可諱飾務  
使小民共霑實惠並申諭蘇凌阿蘭第錫等上緊堵築  
豐汛六堡漫口惟望此後天氣晴霽積水日消俾開挑  
引河速成於霜降以前早得合龍工竣河復故  
道地土涸出庶可趕種秋麥予心始得慰藉耳

和琳奏攻克後坡新寨等處擒獲逆苗目石代噶

福寧奏攻克指甲坡山梁擒獲邪教賊目楊子

教弟兄詩以誌事

正慮仍當望捷迴略欣二處捷音來雖然未獲逆之首

却已生擒助者魁

自五月下旬駐蹕山莊以來已逾三月每日籌辦楚省南北軍務雖湖南

已將逆苗首石三保生擒解來正法而大兵尚未直抵平隴擒獲逆首石柳鄧其湖北鄖陽當陽襄陽孝感感來鳳諸處雖已平定而鍾祥及柳坪灌灣腦尚未收復明早即當旋蹕正在殷盼喜音適和琳福寧捷信同時報到據和琳奏自攻克捧風坳強虎哨兩處後已得平隴緊要門戶據降苗等僉稱石柳鄧被官兵圍攻日緊令賊目石代噶糾聚匪黨於後路滋擾為牽掣大兵之計石代噶者與石柳鄧首先起事肆擾川黔交界地方自官兵勦洗大塘汛後該犯即同石柳鄧逃至黃瓜寨到處抗拒實為第一罪犯茲於八月十三等日總兵袁國瓚報稱竊派熟悉苗地之鄉勇及降苗等設法圍截該鎮帶兵於老旺寨將石代噶擒獲和琳訊供後即將該犯貯於木籠派員押歷各寨備割梟示石代噶既擒不特川黔後路去一巨魁即石柳鄧手下又除一助惡

逆黨此時相距平隴益近石柳鄧抵死守禦現在設法擒捕想日內不為官兵生俘即為降苗縛獻苗疆之事即可指  
**旗鼓渠搜弟兄兩甲坡勇賴弁兵材**同日據福  
顧全定  
來鳳旗鼓寨賊首胡正中田谷敦等均經擒獲正法尚有楊子教楊子林弟兄亦係邪教緊要賊目也聚指甲坡山梁隨派總兵諸神保帶兵圍住福寧觀成於八月十一日督率將弁及屯土兵勇分為四路奮勇勦殺賊目楊子教楊子林正欲覓路竄逸把總虎正林兵丁謝福榮彭光鰲奮力追趕將楊子教二犯砍傷擒獲及餘匪五百餘名奪獲鎗刀數百件該處賊匪洗盡即由宣恩勦散也聚餘匪督兵前赴榔坪勦辦林之華等披覽兩次所奏亦堪欣慰而現在湖南平隴咫尺苗匪斷不能他竄大約旋蹕途中馳報喜音即可迎到矣  
**佇**

聞平隴縛兇懸蹕路當披喜疏開

避暑山莊迴蹕至喀喇河屯行宮作

望捷去來三月期

五月十八日啓鑒幸避暑山莊至今日迴蹕往來此地無日不殷盼湖南

湖北捷報瞬息流光不覺已閱三月餘矣

流陰睫眼迅如斯雨時暘若誠幸

矣穗滯秉遺親見之

今年口內外晴雨調勻可稱時若前據梁肯堂奏報通省秋收九分

有餘今早過廣仁嶺憑覽沿途農家高廩如壩餘糧棲畝而圖菜町蕎亦俱含滋鮮茂實堪欣慰

碧樹

青山賞何有昨年今歲愧增滋迎鑾佇俟擒兇信瞪發

勞

目瞪發勞出楞嚴經

看飛騎馳

惠齡等奏攻克灌灣腦賊巢生擒逆首張正謨等

詩以誌事

蹕路方殷飛騎至行宮駐即捷音來

今早自山莊旋蹕途中引領喜報迎

馳方殷盼望乃甫駐行宮即遞到惠齡等攻克灌灣腦生擒逆首張正謨捷奏殊堪懷念

正謨實是

倡亂者閱歲竟能執訊哉

今春二月間有湖北邪教肅人等因該省弁兵大半調

赴湖南進勒苗匪營汛空虛乘機在枝江宜都一帶倡亂焚掠惠齡聞信即帶兵往剿擒獲一百五十餘人餘賊竄入灌灣腦山內負隅抗拒屢經惠齡督兵殺賊無算肅傑人情急自投納命訊出伊子曾拜張宗文為師學習白蓮邪教張宗文之師張正謨實先倡首謀逆脅人入夥肅傑人已解京正法而張正謨恃其地險抵死抗守半年以來官兵設法攻圍計誘痛加勦殺將賊卡全行攻破萬分窮蹙八月十七日惠齡選派趙健兵勇

五百人各持草束拋擲火彈引遣賊人所埋地雷聲振山谷延燒賊卡鹿角惠齡與成德文圖富志那各率將弁兵勇分四路齊進攻克外層賊牆賊匪不能抗拒退入二道牆內官兵即將賊屍填平溝濠前進賊匪紛紛潰散內有賊百餘跪地哀號乞命惠齡令素識張正謨之孟宇寧指認張正謨並助逆之劉洪鐸一併擒獲解京被殺及投水者不下萬計生擒二十餘人奪獲鎗炮刀矛甚多自十七日丑刻至十八日酉刻奮勇攻勦全行蕩平不致一名漏網先令成德文圖帶兵二千名前赴柳坪勦捕林之華而惠齡將順路涼山屯聚之賊勦盡亦即督辦此時官兵聲威大盛各處陸續洗蕩止存鍾祥柳坪之賊茲首先倡亂之賊已俘其脅從匪徒定即渙散餘一二賊目不難指日全行勦滅矣

四面合圍冒險阻一心齊奮迅

霆雷所餘孽指日掃盡湖北民生喜氣恢



入古北口作

初蹕即聞獲首魁

昨廿七日自山莊旋蹕南至喀喇河屯行宮即得惠齡攻克灌灣腦生擒

逆首張正謨之奏

擬擒柳鄧繼音來

前月廿五日和林奏攻克後坡新寨等處擒獲逆苗

目石代鳴相距平麓不過十餘里石柳鄧勢已萬分窮迫非為降苗縛獻即為官兵擒獲滿擬一二日內即可續聞和林喜報今又越三日盼望益為殷切

三朝茲隔古北入方寸仍希驛

信催外塞內畿一律稔崇墉比櫛幾村堆惟殷飛騎途

中接

今歲塞外畿內一律豐收沿途所見農家景象實堪欣悅惟望迴京之前途中即得馳報喜音迎覽

楚省南北大功全定仰荷 昊恩益深寅盼

望捷去而捷定迴

福建四川雲南各巡撫奏報收成分數詩以誌慰

不緣行路廢批諾北省今秋都大佳

今年北省秋收直隸山東山西俱九

分有餘河南八分有餘惟甘肅蘭州寧夏等府屬地方以夏秋雨少被旱收成歉薄已命優加賑撫然不過一

隅之地北省中除陝西尚未

閩蜀九分次第報

據姚榮泰閩省

入夏以來晴雨應時早稻成熟後計通省六十四州縣內除臺灣一縣土性不宜早稻向不種植外其餘各屬

內收成十分者閩縣等二縣九分有餘者長樂等三十州縣九分者永福等九縣八分有餘者羅源等十縣八

分者古田等十二州縣合計通省收成實有九分本年自春麥豐收之後糧價已平茲早稻又得九分新糧上

市民食益裕閭閻歡忭倍常等語又據英善奏川省五六月間正當禾苗長發之際疊沛甘霖高下田禾無

不一律有實現在早稻登場晚稻亦次第刈獲詳核各屬九分有餘者成都等九府皆州等六直隸州九分者保寧等二府八分有餘者綿州等二直隸州敘永一廳八分者酉陽州石碕等二廳七分有餘者理番等二廳統計通省收成實有九分農民含哺鼓腹共慶豐登景象恬熙地方極為寧謐等語

滇南一賸土

民皆

又據江蘭奏滇南跬步皆山不通舟楫全藉本境產糧充裕庶幾民食有資本年雨勤水足目下節

近白露稻穀俱已揚花結實核計蒙化等二十四廳縣高下田畝收成約有十分武寧等二十一廳州縣低處收成十分高阜收成九分有餘永北等三十一廳州縣高下田畝收成九分有餘思茅等九廳州縣高下收成九分至沿邊三十三土司地方高下稻穀雜糧亦收成九分有餘合計通省秋成約及十分等語披覽三省秋收均屬豐稔實堪欣慰

各疆同慶邀

天眷厯歲希逢暢已懷歸政庶幾符治理子元年幸萬  
幾諧

秋麥用題梁肯堂奏報各屬麥收詩韻

去報八分已是幸

今歲三春雨雪優霑滿擬麥收可得  
上稔乃入夏後雨澤略闕以致顆粒

不能飽綻分數減少五月初據梁肯堂奏通省麥收幸  
算祇有八分幸而尚得下稔自五月以後京畿內外  
兩協候可稱時若直隸奏報秋禾收成十分者竟有  
十餘州縣各屬通計之尚得九分有餘茲迴蹕途中欣  
覽農家禾黍均已登場並見播種秋麥多有出  
土者農功有慶益仰天貺頻仍倍切欽荷歸看秋

麥茁秧優農功三月時若閱誠荷

天恩惕路由

御製詩餘集卷七

欽定四庫全書

御製詩餘集卷八

古今體三十九首

丙辰八

迴蹕至御園即事

兩楚首兇一處獲

湖南逆苗係石柳鄧首先滋事湖北邪教係張正謨首先糾衆今張正謨

已生擒解來而石柳鄧擒獲之報尚未馳到為之切盼

一餘柳鄧盼擒該雖然歲

稔畿途覽

今歲口外口內一律豐稔勝於往年雖沿途歷覽足為欣懷而兩楚大功尚未全歲迴蹕

至御園依然盼捷殊深慚悶

實愧功全御苑迴碧樹青山秋未老居

今諸昨望成灰偶思陶事聊解悶益覺深慚歸去來

雨 九月初四日

三寸秋霖秧麥滋快晴無凜衆欣時似茲奚不舒眉皺  
望捷仍俟郵信馳

觀射

夜雨時霑

九月初六日

傍晚晴

昨夜五鼓雷雨一陣逮曉即霽所種秋麥及菜蔬等得此

滋渥更為有益

秋澁渥潤菜蔬榮門前引見材量授

家法看呈義寓精

今早御出入賢良門引見武職人員因命子皇帝率皇子皇孫等習射我



萬世子孫所宜聽聽遵守毋忽  
朝家法貽訓騎射最當留意  
馳報三軍盼來捷輪

班六部正當兵

雍正年間

皇考駐御園

命六

班值日至園奏事每九日週而復始至

坐觀一矢未曾

發者歲無能慙愧情

今歲駐蹕山莊三月餘以籌辦兩楚軍務少暇未曾習射而自壬子

以來每歲木蘭園中或以雨多積潦或以節早氣寒停止進哨已閱五年殊深慙愧

### 青龍橋西

待捷園中復六朝香山思遣悶非遼週遮進已三軍近

險阻恃猶二豎驕

和琳統率大軍進逼平隴所有附近賊卡俱已攻克相距賊巢不過十餘

里因秋雨連綿山路險滑不能迅速直入尚餘逆首石  
柳鄧吳廷義二人脅衆死守想目下久已晴霽定將二  
逆生獲馳南逆苗擒兇首要北邪教翦黨羣消昨據永  
捷在途矣保等奏  
勦捕鍾祥邪教賊匪殲戮殆盡現在乘勝四面搜拏無  
難悉數殄滅惟望將首惡劉之協姚之富等盡行擒獲  
而福寧惠齡將宣恩涼山之賊勦盡迅赴瑯坪  
生俘逆首林之華則湖北境內全臻平靖耳

靜宜壁

泐詩重閱隔歲依然未解嘲

上年重九駐香山靜宜園  
時正值奏到攻克茶它柳

各等處逆苗巢穴生擒賊首吳半生可望大功即成有  
詩誌事泐壁今已閱一年雖已將逆首石三保擒來正  
法苗疆指日全定而歲績喜  
音尚未馳到盼望倍增殷切

香山重九日

丙辰立願竟符初

天錫崇恩古莫如幸得高閒政歸子然猶宵旰訓殷子

不堪九老

昔年憶

乾隆辛巳恭遇致仕大臣年七十以上者每班各九凡二十七

慈寧七旬萬壽集文武及

人為香山九老會即賜游香山並繪圖賦詩以紀其盛至辛卯八旬大慶依例行之本願十年一舉乃自

丁酉後永募徒懷不堪追憶

却喜香山此日居設以會昌較白傅者

齡饒彼更旬餘

按唐書及白香山詩集年譜中載居易自稱香山居士於會昌五年與前懷州

司馬胡杲等九人為九老會時人慕之繪圖傳世然考居易年僅七十有五予今年八十有六較之居易已長

十一歲而精神尚健歸政以來仍復不敢自逸訓政如常豈非仰蒙 昊眷感幸之餘益深欽惕

聞總督伯和琳在軍營病故用哭福康安詩韻以

誌悼惜

有序

數日前和琳奏報大軍逼近平隴石柳鄧指日可以擒獲功屈垂成惟聞軍營地有瘴癘病者甚多頗以為憂然未聞和琳患病之信今日馳到額勒登保等奏函深為駭愕聞之和琳竟以染患瘴疫洩瀉溘逝可深軫惜詩以哭之

獨任軍勞者疫捐同不謀

上年二月內黔楚逆苗石柳鄧石三保等詐瘋誘衆滋事

福康安在雲南一聞此信即帶兵馳赴貴州松桃正大一帶勦辦並有闖入四川秀山境內者其時和琳自藏回川正擬來京陛見行至邛州得報不待諭旨亦即帶兵馳抵秀山痛加勦戮遂與福康安會合由黔入楚節次攻克險要賊寨殲斃逆苗不可勝計惟因該處雨多路險賊人負隅死守浸尋半歲有餘不意五月間福康安積勞成疾兼患時疫不數日竟致不起幸賴和琳一人獨任其勞總統督辦將卒等咸遵約束用命意謂即可成功乃和琳亦因感受山嵐瘴氣傳染時疫自起病至溘逝亦僅十一二日與福康安相似實堪軫悼誠憐心一力

和琳乃大學士和珅胞弟才識明敏辦事勤能前任子歲福康安征廓爾喀之後命赴後

歲督催糧運軍火實心任事忠篤可嘉凱旋後即留駐前歲辦事諸凡經理妥協此次與福康安同心協力籌

辦軍務屢著勲勞自福康安病故後一人獨當重任連  
克險峻山梁直抵乾州擒獲首逆石三保及賊目石代  
噶真能不負委任至意節次加恩晉階伯爵宮銜特賜  
黃帶三眼翎紫韁以彰功績令不料與福康安病故情  
形不謀而合誠堪憐憫允宜渥沛殊恩用昭飾終令典  
因即降旨加贈公爵並命伊子承龍賞銀五千兩治喪  
派御前侍衛公豐紳濟倫迎往奠醊以示優恤

那禁淚雙流是我命之蹇

連失軍

賢臣自問又實非興  
兵自我誠不解其故

況其功近收

自兵抵乾州後進攻三岔坪捧風坳強虎

哨連克諸卡相距平隴僅十餘里賊已萬分窮蹙止有  
石柳鄧吳廷義二人尚在脅衆苟延抗拒已成釜底游  
魂不為降苗縛獻即為官兵生擒大功指顧可以告蒞  
乃忽有此事而福康安和琳二人殫心忠藎俱不克親  
見成功生膺懋賞

五言聊識恨仍冀捷音酬

此時軍營無董率辦

豈數定使之然耶

理之人深為健念因思湖北鍾祥邪教賊匪業經殲大半其四竄餘匪諒永保恒瑞慶成諸人無難追勦盡淨因馳諭明亮鄂輝速赴湖南軍營並命勒保將雲南裸黑之事交江蘭珠隆阿等妥辦即日馳回軍營與明亮鄂輝熟商籌辦現聞姜晟在大營彈壓尚可少釋懸系因諭令同額勒登保德楞泰等督率嚴密防守卡隘不許賊人潛出滋擾若明亮等未到之前伊等竟能將逆首石柳鄧設法擒獲速報捷音則尤為美善惟虔冀

吳蒼助

順成功耳

江蘇巡撫費淳安徽巡撫張誠基各報秋禾收成

### 分數詩以誌事

甘肅秋禾遭旱外

甘肅蘭州寧夏等府屬今夏被旱成災收成歉薄雖不過一隅中之一隅

欽定四庫全書

卷八

節經降旨令總督宜綿督率所屬實力撫綏賑糶蠲免

其他北省率稱佳

其餘北省地方

秋禾收成直隸山東山西俱九分有餘河南亦八分有餘俱各豐稔洵堪欣慰

兩江上下同朝

奏各屬歉豐具摺排蘇則有餘八分幸

據費淳奏江蘇省秋收分數十

分者常熟等十六廳州縣九分暨九分以上者高淳等二十二州縣八分暨八分以上者丹徒等十一州縣七分暨七分以上者江浦等三縣六分以上者上元等七縣五分以上者睢寧等三州縣四分者宿遷等二縣四分以下者邳州等四州縣不成分數者豐沛二縣通省均勻牽算計得八分有餘等語

歛雖一欠

七成皆

據張誠基奏安徽省秋收分數九分者黟縣等五縣八分有餘者桐城等七州縣八分者懷寧

等二十二州縣七分有餘者潛山等三縣七分者太湖等九州縣六分有餘者壽州等四州縣六分者懷遠等



三州縣五分者鳳陽等四州縣四分有餘者宿州  
等二州縣通省均勻牽算統計七分有餘等語

胥因

遇沴稔收減

令歲上下兩江陽雨調勻禾稻稌糧本屬  
一律暢茂可期上稔乃江蘇省因豐汎黃

水漫溢淮徐海三府州屬低田間有被淹收成稍歉而  
安徽省之鳳潁泗等三府州屬臨河窪地亦間有積水  
薄收以致牽算分數稍減然尚幸各得七八分有餘猶  
為下稔至被水成災之處節次馳諭各該撫等速行實  
力賑卹並分別蠲緩俾小民口食有資不致一夫失所  
惟祝於霜降以前漫工早得合龍河復故道涸出地畝  
尚可趕種二麥實誠祝合龍惕繫懷  
所繫繫於懷耳

逢稔

今年九寓多逢稔甘肅歙蘇恩屢施

今年各省秋收豐稔九分以上至十

分者直隸等九省其餘省分亦俱在七八分以上惟甘肅蘭州以夏旱歉收上下江因豐汎漫水隣近有被淹之處皆不過一隅中之一隅已屢降恩諭該督撫優加賑卹毋俾災黎失所敢曰太平無事

日正慙露布未來時藻章欲詠每乏興玉漏安眠幸過

期近三兩年每有不能安眠之虞蓋一宵中若得三時安眠則甚美矣三時為二十四刻昨自熱河迴鑒乃

有安眠至二十八九刻者是亦幸也自解惟欽

天眷厚黃綾本合少書詩歸政後理應簡咏今黃綾下

近盼軍營成功喜報及河工合龍之信時切於懷實鮮佳興不妨少留詩思以待吟酬也

陸治種菊圖即用其韻

弗滋蘭畝種菊埭畫格詩裁別出奇笑我支硎駐春蹕

治詩有我亦支硎新卜築之語空孤花節未巡籬

詠和闐玉倣周獸環壺

製異方圓壺號同和闐之王肖周銅昌齡用以送辛漸  
一片冰心在此中

安眠口號

安眠半夜弗知久

通歲以年耄率不能安眠若歷廿四刻得三時整睡則為幸通日或安眠

至廿九刻亦一快耳望捷片時仍覺遲不怨不尤胥不忍如臨如

履祇如斯

按不怨不尤之語出論語予以為不怨不尤未免仍存二字之意在惟應自思已過知過而改乃益善然言之易而行之難無意書此成語以為口號亦紀近日學詣之境耳

陝西巡撫秦承恩貴州布政使賀長庚各報秋禾收成分數詩以誌慰

湖南苗逆北邪教近逮功成捷未臻

湖南苗逆石柳鄧等勢已瓦解僅據

平隴彈丸之地脅衆死守不為官兵生獲即為降苗縛獻大功即可告歲現在勒保明亮鄂輝即日可抵軍營接辦至湖北邪教滋事地方除鄖陽當陽灌灣陽關旗鼓寨孝感諸處早經蕩平不留遺孽外惟鍾祥尚餘勦散竄逸之賊及瑯坪屯聚匪徒現在官兵勦捕然亦不難淨盡二省軍營俱已近逮功成惟殷盼喜音即至耳

### 劫數肯推非由已豐年深賴幸蒙

旻

今歲湖南秋成除地近苗疆間有未經復業者其餘通省牽算收成八分有餘湖北除被賊被水之區外

通省總計秋收亦實有八分幸賴天

秦疆貴省茲

胥報九計餘分匪飾陳

據秦承恩奏陝省今年雨澤優霑秋禾暢茂約收十分者孝義

等十廳州縣九分有餘者耀州等十九廳州縣九分者臨潼等十七州縣八分有餘者醴泉等十八廳州縣八

分者寶雞等五州縣統計通省秋收九分有餘貴州  
巡撫馮光熊現駐銅仁府防守苗疆後路是以秋收分  
數由藩司彙報據賀長庚奏收成十分者仁懷一同知  
清江一通判永豐等四州冊亨一州同羅斛一州判脩  
文等九縣九分者貴陽等十府郎岱等五同知歸化等  
五通判定番等十州貴筑等十九縣八分者思州等二  
府普安等六縣合計通省秋收共有九分  
現在米價平減比戶盈寧民苗樂業等語  
欣慰此那平

愁忘彼息消泰否寸衷頻

雨

九月廿六日

又逢夜雨至朝晴

今歲夏秋賜雨時若從無連陰之慮  
且多夜雨朝晴農田豐獲自月之十

一日夜雨至今已閱半月茲廿五夜始則微雨飄灑繼  
而勢甚綿密次早漸次開霽京兆尹報得雨二寸餘於

秋麥菜蔬  
實為有益

潦盡寒潭無慮盈稻下黍高收已定麥芽菜

葉潤資榮似斯歲景心宜暢念彼捷音望正忤欲減吟

茲對時若

黃綾下本百篇近已將書滿且歸政後原可減詠但對茲雨好晴佳又不能不一抒吟興

耳撫牋聊紀紙窓明

### 頒朔日作

頒朔從兒同衆請並行百部弗教多

上年九月以孟冬月吉即須頒朔先

於九月初三日建立皇太子詔以今年丙辰為嗣皇帝嘉慶元年其時皇太子率王公大臣等具摺籲請時憲書仍用乾隆年號情詞懇摯不能徑却因允所請照康熙六十一年時憲書式遞年增載並存乾隆年號但祇

須一百帙以備宮廷及賜御前親近王大臣等而頒行天下者通用嘉慶紀年時憲書以昭建元授時之正

乾隆六十二年閏嘉慶地

天人泰和初志微嫌未能副

予踐阼時焚香告天若得在位六十年即當歸

政不敢上同皇祖紀年以次遞增是以上年朕意自今歲丙辰為始憲書祇用嘉慶年號昨因俯順予臣諄請並以乾隆紀年憲書備賜官府用徵盛時嘉祥然非以頒行中外雖於予初志微有未符而天貺厚承令歲元正授璽以來訓政勅幾康強如昔為自古希有惟益深敬凜冀得常近鴻禧訓嗣皇帝以為政

耳輿誠俯順匪全訛獨承

昊貺誰曾侶惟感惟慚誌不磨



陝甘總督宜綿奏報秋禾收成分數詩以誌事

夏秋廿一被災者撫恤頻教恩莫虛

今歲南北各省普獲豐收九分以上

至十分者甚夥惟甘肅皋蘭等二十一廳州縣因夏秋遇旱及被雹成災前經該督等奏聞即屢次降旨優加賑恤並諭宜綿率屬妥辦務使小民得霑實惠毋致失所斯報西成闔屬竿幸仍歲

獲七分餘

茲據宜綿奏報除被災皋蘭等二十一廳州縣不計外其收成九分有餘者徽縣一縣九

分者安西等四州縣八分有餘者撫彝等十廳州縣八分者貴德等十五廳州縣七分有餘者永昌等三縣七分者寧州等五州縣六分有餘者華亭等五州縣六分者渭源等二縣統計四十五廳州縣牽算實在收成七分有餘現在各屬糧價截茲補彼雖微濟食缺衣單究平減地方寧謐等語

切予久悉民貧地瘠處飭申實惠慎思初

甘省本屬地瘠民貧從前

王亶望任藩司時每歲報灾名欲藉捐監糧石為賑卹之用乃捏飾侵冒上下分肥自辛丑年查出積弊徹底嚴辦後於凡接任甘肅地方大小官員各申誠以潔已愛民慎思國法毋蹈王亶望前轍自罹重咎近十餘年來咸知守法是以感召和甘民氣舒裕令歲臯蘭等處偶被偏災雖不過一隅中之一隅而民食攸關朕心深所縈念此次宜綿另摺稱被災之臯蘭等處毋庸展賑朕以該處雖已蠲賑兼施但轉瞬春令青黃不接民食不無拮据復馳諭察看情形如有應接濟者即行奏聞候旨加恩辦理朕於小民生計總期各享盈寧從不肯少有靳惜此亦天下臣民所共知者耳

雪

十月廿三日

剛過小雪六花颺

昨廿二日戌時甫交小雪節迨寅刻即得應候祥霽始疎繼密至午刻方

止計融化積地共有三寸餘

此是令冬第一祥地潤秋霖晴越月朝

霏時玉協宵陽

俗稱十月小陽春

已欣率土稱穀熟

今年京畿口外及南

北各直省夏秋暘雨時若是以西成普慶豐穰九分以  
上至十分者甚多現在地脉融潤麥苗出土青蔥茲又  
早得瑞雪滋培明歲麥收可卜有望予仰承  
觀此嘉祥寧不欣幸惟冀楚省南北軍營速馳擒渠歲  
績喜音則益慰  
中懷縑系耳

更卜明春滋麥芒坐對皚皚寧不慰縑

思捷信懽增惶

再詠舊玉斧珮

玉惟溫潤柔堪喻斧以裁成剛則然協用中和恒作佩

在器為珮  
在用為佩却慚未忍五湖捐

河東河道總督李奉翰奏報得雪詩以誌慰

隔日河臣報由齊豫界臨五朝先雪獲

京師昨日喜得祥霽今早據李

奉翰奏前自山東至開封經過地方麥苗長發今於十八日戌時起祥符一帶瑞雪繽紛至十九日寅時止四野均霑積厚四寸遙望同雲密佈雪勢廣遠等語此次河南之雪較早京城五日想自南而北接壤時玉普霑喜音次第四寸被田深麥助明春茂葵增壹意欽畿南即至矣

山左右將續至佳音

即事

三輔祥雲各報周

京師於廿三日喜得應節祥雲續據總督梁肯堂署提督愛星阿鹽政董

椿等先後奏報直隸順天各府屬及古北口內外一帶均於二十三等日得雪二三四寸不等南來

次第復傳郵齊郊被澤似應廣

據山東巡撫伊江阿奏濟南省城於十八日酉

時起至十九日子時瑞雪續紛積地二寸其附近之齊河等十八縣同時亦得雪一二三寸不等二麥得以盤根來歲豐收可豫省獲膏更覺優

據河南巡撫景安奏豫省今歲種麥甚廣

為預卜等語

俱已發生茲邊界一帶於二十日至二十二日時雨時雪融化入土五寸有餘並據南陽府屬各縣稟報於十九至二十一日得雪三四五寸不等俟農吉頻占誠合

飛查各府得雪日期另行彙奏等語

慰軍情乍繾却增愁滋邱小賊渡河遁

日前節次據福寧觀成及成德

文圖各奏稱攻勦滋邱賊匪林之華覃家耀等賊勢已甚窮蹙可以即日成擒乃今日福寧觀成奏到官兵進抵滋邱而賊匪先於十三日五鼓搭造木橋盡數渡河逃竄俱至黃柏山等處屯聚署總兵黃瑞在張家口沿河一帶防守乃不知設法堵截使賊人得以搭橋偷渡又不速行稟報實屬玩誤因降旨將黃瑞革職解來京治罪至成德文圖前次所奏殺賊摺內藉詞欺飾欲以掩其縱賊之罪而文圖竟於賊遁數日之後起身不顧前赴滇省新任尤為畏葸可惡成德文圖本應與黃瑞一體治罪因念用之際暫從寬典將二人花翎及已圖魯名號革去嚴飭圖功贖罪所有進勦黃柏山軍務專令福寧觀成總統辦理而令成德文圖分往賊營西南之鶴峯州東南之長樂縣交界嚴密防堵務將賊首生擒速報成功尚可少贖前咎朕於用兵凡諸臣功

過賞罰嚴明從來不少假借惟視其人之  
自取是以武功十全所向得以克捷耳  
失律難逃自

取尤

署將軍明亮等奏官兵攻克平隴賊巢詩以誌慰

盡臣繼逝心如失

上年二月間黔楚逆苗滋事福康安和琳二人聞信不待諭旨即各帶兵

馳往勦捕自會兵後由黔入楚屢次克獲險要殺賊無算不意今年五月內福康安積勞受瘴病故聞之已深悼惜幸尚有和琳在營接辦將士等咸遵約束用命以爲即可成功乃八月內和琳忽又染患時疫不起二臣彈心忠盡相繼溘逝不但深堪軫悼實於軍營大局關係非淺朕心爲之懸厓日夜不置  
兩將調停

意少蘇

自福康安和琳相繼病逝後深慮軍中總統乏人官兵等或致心存觀望而額勒登保德楞泰

欽定四庫全書

卷八

竟能接手辦理督率鎮靜調度有方其時姜晟適在大營即命同二人共相彈壓衆兵不特卡隘防守嚴密並設法攻勦屢獲勝仗奏

遄命大員商進勦

軍營一切事務亟須大員

到後始為少釋縊念督同辦理其時明亮適將湖北孝感邪教賊匪勦淨因思所有鍾祥屯聚匪徒永保恒瑞慶成舒亮諸人足資帶兵進勦不難掃除盡淨因降旨令明亮鄂輝二人星即馳赴軍營與額勒登保德楞泰姜晟會商進勦事宜

速圖

可嘉同志竭佳謨

明亮鄂輝馳抵軍營後並不以總統軍務自居指揮獨擅而額

勒登保德楞泰亦不因有明亮等二人前來少存袖手傍觀之念深知以國事為重和衷共濟協力同心熟籌進勦之策前次奏摺列名次序已可概見

乾州已獲仍

前列

前此和琳獨當重任督兵連克險峻山梁直抵乾州擒獲首逆石三保後即進兵攻得三岔坪捧風



劫強虎嘯諸卡隘相距平隴僅止十餘里賊勢窮蹙萬分不過抵死支撐苟延殘喘而已平隴茲收

續後誅

明亮等日前攻克大壩角後距平隴益近一路等卡而進茲據秦平隴迴圍山坡層疊苗寨互

相連絡抗拒甚堅必須設法進攻以分賊勢因於後路抽撥兵二千明亮額勒登保鄂輝帶由後路繞進德楞泰帶兵由打狗坡前進為環攻合剿之計自初十日至十三日悉力相持十四日額勒登保由茨岩先到官兵鎗砲轟擊痛殺賊苗始暫退回其平隴大寨之前及後山屯聚藏匿之賊不可勝計十五日明亮鄂輝帶兵到齊連夜佔據山梁分撥調度十七日分兵四路額勒登保等由獅子坡而進明亮等由觀音坡而進德楞泰等由岩人坡下溝而進鄂輝等由甲式溝而進興肇等排列大砲由老石岩一帶山梁轟擊姜晟隨後接應所有平隴寨前正路處處創斷周圍築立石牆密樹木柵賊人藏匿拾死抵拒我兵奮勇百倍填壕越進將石牆木

柵全行攻得賊人驚竄官兵乘勝直入寨內焚燒其前來救賊之莽車孟水冲貢魚坡等處逆苗俱為我兵殺散扳援石壁而上奔走趨捷官兵正在追擊因山險箐寨大雨如注濃霧四起未便深入因徹兵至楓形地方劄駐連日殺賊不可勝計賊巢全已掃蕩無餘矣平隴賊衆負固日久此番全行燬滅明亮等諸人深堪嘉獎除分別賞賚外念額勒登保德楞泰二人尤為可嘉將額勒登保實授為領侍衛內大臣德楞泰亦令署理領侍衛內大臣其在事出力將

**速待生擒致二豎**

平隴賊巢既破

弁等亦分別加恩以示獎勵苗匪失所憑依倍加震懾惟存逆首石柳鄧及吳八月之子吳廷義二人雖逃竄未獲據明亮等詢之降苗僉稱該逆匪勦散之後在東北一帶險山苗寨藏匿不過暫時偷活斷不能他竄因諭明亮等益當鼓勵將士乘勝追捕設法生致或曉諭降苗縛獻將附近勦散各苗相機招撫妥為佈置完善藏功自當加恩懋賞此時大

功已成十分之九速望擒渠捷奏則予十全武功之外又贏一績惟敬待  
吳蒼鴻佑喜音適至耳  
十

### 全功外一功符

署工部尚書惠齡奏官兵掃蕩涼山賊匪盡淨詩

### 以誌慰六韻

據險賊分守一將

平聲

當萬夫

惠齡於八月十八日攻克

正謨等後即帶兵往剿瑯坪賊匪林之華等因順路之涼山有林之華分遣救應張正謨之賊黨在彼屯聚即督兵先行剿辦雖賊匪不多而該處山路陡峻一線羊腸盤折而上其第二天門一處尤為險隘賊人又將山路剷斷安設木石抵死抗拒實有一人當關萬夫莫敵之勢雖屢經官兵擊殺多賊斷其水道而賊衆恃險支撐

欽定四庫全書

卷八

官兵因艱於仰攻是以相持日久未即掃蕩

垂繩拊降者攀壁上

上

雄徒

據

惠齡奏自奪獲馬王廟賊卡後連日霧雨迷漫因分官兵鄉勇為二班日夜輪替兩面進攻使賊左右支持疲於奔命至十月廿五日於山內搜獲張添富等五人訊明被賊迫脅從逆今見官兵勇銳可畏悔罪投降並供出二天門卡上陡岩之下有松林一處可以伏兵但陡壁懸崖不能攀援而上惠齡察其投降屬實因與大繩數十條令其上山潛於樹上結繩垂下山麓並乘機放火以為內應至夜半果見繩索拖下預派千總鍾慶官把總程上德率領健捷兵勇攀繩而上伏於林內俟官兵攻撲二天門時從上殺來俾賊猝不及防可期得手

攻左仍襲右身先勵志謨二兇獲生有羣黨勦全無

患

又派令副將闕騰臬司先福各帶弁兵一由九鼎垭進攻一由馬王廟進攻又派都司林朝輔等由山後覓路

進攻截其逃竄忠齡自督將弁兵勇接應至丑刻銜枚而上賊匪疲憊已極官兵直至卡前賊始知覺官兵鎗箭並施賊人拚死抵抗相持之際鍾慶官程上德已率林內伏兵從上殺來又經內應之降匪張添富等從中放火賊衆大亂官兵乘勢跳濠毀卡而進殺賊百餘人餘賊奔潰上山當將二天門賊卡奪獲而賊衆死守廟內不出惠齡督率弁兵蟻附而上至山頂廟前堆積柴草四面焚燒又射放火鎗入廟內外同時燄起賊衆冒火開門向後逃竄經官兵追殺及滾巖落澗者不計其數其直冲下山者俱為官兵截住生擒逆首覃士潮張曰先二名及男婦七十餘名口餘皆殺死不致一名漏網覃士潮張曰先二人已受重傷不能言語立即寸磔處死餘匪亦一併梟示所有涼山賊巢全行掃蕩無遺矣此次惠齡及將士等實屬出力可嘉既優加賞賚並分別擢用其技出內應之張添富等

進合邱

滋山黃柏

五人亦加恩給與頂戴以示獎勵焉

旅

先是林之華章加耀二賊倡逆佔據瑯坪地方其後移至滋邱屯聚二賊各守一處遙相接應前經福寧

觀成帶兵已將章加耀賊衆痛加剿殺竄奔滋邱與林之華合為一處乃成德文圖及署鎮黃瑞不能先事防

堵周密以致賊匪又從滋邱偷渡河逃至黃柏山死守前已將成德等分別懲治而令福寧觀成總統勦辦並

嚴飭成德文圖分截賊人竄逸後路以贖前過

旋申華

林之

耀

章加

誅

此時惠

涼山之賊勦盡即日移師至黃柏山與福寧觀成等會合乘得勝之勢兩面夾攻量林之華章加耀二賊首力

威勢窮斷難逃命自必一同俘獲掃除餘孽以靖地方馳奏喜音即在指顧間矣

佳哉誠跨竈

惠齡乃原任尚書那延泰之子那延泰自雍正時至乾隆年間久直軍機然不過小心謹慎循分供職而已今

惠齡帶兵勦賊頗知調度機宜具有謀勇前已將灌灣腦賊巢勦平生擒首逆張正謨等正法今又將涼山之

賊洗蕩無遺實可嘉賞以視  
伊父誠不愧跨竈之譽耳  
五字譽應吾

署兩江總督蘇凌阿等奏報豐汎六堡黃河漫口

合龍詩以誌慰六韻

儀封昔歲事丑至卯之年

乾隆四十六年辛丑七月儀封十堡曲家樓黃河漫口水

分二支南支由金鄉等處出楊莊歸海北支由趙王河等處入大清河歸海屢經堵築未就因命大學士阿桂前往籌辦相度地勢於青龍岡迤上另築大隄開挑引河至四十八年癸卯三月引河工竣導放大溜始得歲

事  
豐汎今夏決合龍五月全

南北河工近十餘年來平安無事今夏黃水陡長前

據蘭第錫奏江南豐汎六堡於六月十九日水由舊園隄搶漫過生墊口門寬五十餘丈掣動大溜當即襄護

盤頭築做挑水壩挑溜使歸正河并疏通蘭家山荆山橋水線河等處俾下游暢注入海即諭令督臣蘇凌阿及山東布政康基田馳赴會同蘭第錫妥商辦理並節次於圖內指示開挖引河加寬使漫口不致喫重以期迅速藏工今據奏於十一月初九日堵築口門督籌不合龍計自漫口至合龍之期歷五月工已全竣

餘力疏堵實稱賢

土性鬆浮易致刷深蘇凌阿等督率

道將工員相機設法堵辦並遵旨將原築挑水壩向東接直俾順勢導入引河甚為得力趕緊進埽晝夜不遺餘力因口門愈窄水勢愈深施工非易又於舊河對岸近壩處添築挑水壩一座使溜勢分入舊河金門水勢畧緩至十一月初九日正壩口門收至二丈餘乘此機會即於是日丑刻兜攬合龍層柴層土併力鑲填旋即堵合斷流全河水勢均由引河及舊河下注循軌安瀾暢達歸海覽奏為之欣慰此皆仰賴河神默佑得以



合龍竣事因致香敬謝並功過彼自定重輕我慎權蘭

令工所建廟以答

神貺

錫專司河務當夏間盛漲之際不能搶險防護本有應

第

得之咎念其督率竣事尚能實力功過相抵免其治罪  
已屬加恩毋庸甄敘蘇凌阿兼管河務亦難辭疎防之  
過但究係署事尚可照例議敘至康基田則係隣省藩  
司命前往幫辦頗能奮勉竟當優敘其餘在工出力道  
將員弁並一體加恩以示鼓勵朕於用人一秉大公凡  
功過皆由其人自取此中具

有權衡即此見為君之難也

幸哉民免沴繼可稼謀

田

此次漫水雖於豐沛一帶沿河禾稼有傷亦不過一

隅之地前早已降旨令江蘇巡撫費淳山東巡撫伊

江阿馳往督率屬員實力妥為撫卹不令一夫失所並

分別蠲免賑貸矣今幸迅速合龍地畝即可涸出尚可

不誤耕種春麥

更有堪欣者同來閱捷篇

今日蘇凌阿

以裕小民生計

等奏到合龍

已堪欣慰適明亮等亦同時馳到攻克養牛塘一帶險要賊卡設法搜捕首逆石柳鄧大功即日可以告藏披閱之餘倍為欣慰

捷來

平隴驅巢守養牛養牛復克捷音稠

明亮等前次奏大兵攻克平隴賊巢

後苗衆潰竄於貴魚坡一帶糾衆抗拒設法剿辦茲奏稱石柳鄧等在不平隴東面勞神寨之上養牛塘山梁修築石卡以圖抗禦並迫脅降苗入夥該處自十月廿八九日大雪連日積五六寸不辨路逕至初二日晚始晴霽明亮等督率已圖魯侍衛鎮將等分兵兩翼搶佔養牛塘山梁鎗砲並發殲斃賊苗不可勝計

雖然

屢勝亦足喜未得首兇那解憂

今日明亮等奏攻克養牛塘一帶險要佔據山

梁較之前次所奏思欲遷就徹兵了事尚覺差強人意亦屬可喜然首逆石柳鄧尚未生擒現於麻狗坡等處屯守抗拒明亮等一面設法剿捕一面駕馭降苗探查如石柳鄧離巢他竄即行邀截擒捕不使遠颺佇盼擒渠喜音續至督率由來在志定重輕豈可視佯投

勦辦苗疆

軍務雖明亮與額勒登保等公司酌辦依次列名具奏但明亮鄂輝未到軍營以前額勒登保德楞泰並無將就了事之議可見徹兵一說顯係明亮鄂輝二人附和畢沅之意朕之本心原不欲窮兵黷武此中外所共知者實因審度目前事勢斷難將就完局必得將首逆石柳鄧及吳廷義擒獲其附近負固不服或佯為投順而心存觀望者痛加勦辦一二處俾苗衆實知十分畏懼兵威不敢復生反側之念方可徹兵再令畢沅姜晟等籌辦善後事宜始得地方寧靜一勞永逸此中輕重機宜全在定志不移督率辦理至從前節次降旨俟勦盡

湖北邪教賊匪擒獲首逆劉之協姚之富之後倘明亮等尚未辦竣苗疆之事即令恒瑞等帶領京營滿兵前往相助先使播告軍營人衆以壯聲威而懾苗逆此時明亮等遽請停止毋庸前往又為不解事體已詳悉論知不可因現有投出苗人二千餘戶即存將就之見急於收局務當堅持定志擒渠藏績斯為完善朕仰蒙

天貺十全武功何莫非臨事而懼慎思審處得以動協事機所向如志明亮等何竟見不及此耶

用兵

久矣懼兵甚詎祇蕭王嘆白頭

冬至日述事

歸政考終

天貺承

南郊大祀子欽膺三朝例弗齋東壁

每歲

常雩

祈穀

南郊

三大祀齋期例以前二日居齋宮第三日詣壇中齋宿今年雖係子皇帝承祭而予仍於養心殿虔致心

齋以申儆恪一志虔仍仰

九層

成各九級 穹壇三

六十春秋親肆執

甫屈八齡在位六皇祖踐阼時

十一年中

親承冬至

南郊大祀者四十四次

已為自古帝王所罕有若予即位則年已二十有五初

未計及紀元六十年當八十五歲乃竟御宇周甲初願

克符仰蒙昊貺之隆尤為難得六十年中每歲

郊壇大祀無不祇肅躬親此皆天祖眷貽

得以膺受多福今歲冬至予皇帝初元肇祀而予精力

康強訓政如昔此次雖非躬親灌獻古今帝王幾

之儀而一志秉虔何敢少渝方寸耶

壇登

大高元殿申瞻叩

今晨敬詣上帝位前升香虔叩用展誠肅

大高元殿所奉夔

若因嚴勵敬勝

夜雪

冬至月二十五日

睡醒聞知飛六霙

南郊恩錫渥優并

昨廿三日冬至為子皇帝初元南郊肇祀令蒙昊貺渥佈祥霙

子之福即予之福亦即天下臣民之福寅荷欽承莫可言喻

子之福即予之福感以

誠尤懼以誠宵問何妨眠半減素稱已積寸猶羸

晚猶瀰漫

密霏細片順天府尹  
已奏二寸勢猶未止  
逆苗邪教勦臨近切切惟期捷信

呈

大學士贈郡王福康安總督贈一等公和琳靈櫬

至京親臨賜奠即事成什

雙忠烈柩返京都違衆議臨賜奠殊

福康安和琳以勦辦苗疆在軍營病

逝其宣勞忠蓋盡瘁瘴鄉功屈垂成貴志以沒實堪悼惜既優加贈卹各建專祠祀之並命配享太廟以

示眷異茲二臣靈櫬至京復親臨奠醊雖和坤福長安再四懇辭而朕心有所弗忍寧違其請而必申余志焉

左右手如失我已悵懔恩尚賴

欽定四庫全書

卷八

天乎

福康安和琳深堪倚任如左右手使二人無恙苗疆之事定當久已成功即一人尚在亦必早可歲

事乃均不及親見功成豈真氣數有定殊不可解當和琳既逝之後軍營總統乏人甚為廛念幸額勒登保德楞泰二人不敢有將就了事之見督率鎮定彈壓衆兵並設法進攻屢獲勝仗是以加恩從優獎賞今平隴賊巢全已攻克石柳鄧吳廷義二逆雖暫時在附近苗寨潛匿苟延殘喘而各苗寨歸降者已不下數千百戶賊黨已成瓦解之勢諒此時石柳鄧吳廷義二逆定可就擒大功全竣喜音已在途次二臣有知亦必同深快慰也

深憐未得成功見細竿惟思善後謨永靖苗疆非易

事顧今皇帝聽聰圖

微雪

冬至月廿九日



二卿騎箕尾三奠寫心淵灑灑霏微雪明明示

上天

福康安和琳二人蓋誠宣力實為股肱心膂之臣若二人此時俱在或一人尚存自當早已生擒首

逆石柳鄧苗疆之事全定乃不料均以積勞染瘴相繼溘逝殊堪軫惜昨二人靈輓回京今日親臨賜酌適陰

寒微雪

天意亦若鑒察為國家惜此賢臣明明示

象二人有知當亦深感朕恩自以不克躬親藏績凱旋為恨既賜奠之後漸即雪止放晴而予軫悼二人之心已申亦當抑情釋念惟以宜麥利農為慶幸耳

自

今不復憶即景亦悠然積素樓陰疊惟欣利麥田

山西巡撫蔣兆奎江蘇巡撫費淳浙江巡撫王德

各報得雪詩以誌慰

北省奏霑次第齊

十月廿二日甫交小雪節次早京師即得協候祥雲三寸餘嗣又得雪二

次並據直隸總督梁肯堂提督愛星阿山東巡撫伊江阿河南巡撫景安河道總督李奉翰等奏報京畿古北口內外及山東河南各所屬至前亦概報山西據蔣北地方均已先後普得雪澤奎泰山

西省城於十月廿二三日得雪六寸廿六七日復得雪八寸餘至太原等九府遼州等十州暨歸綏道所屬均於十月十八九至廿六七日各得雪自二三寸至盈尺不等江蘇佳澤茲已兩費溥

蘇省於十月中下雨旬業已普霑瑞雪茲蘇州府城暨所屬各縣復於十一月初二三及十一等日得雪一二三四寸不等並據江寧等七府三杭浙節憲正奏禔玉州稟報同日續經得雪一律均霑奏浙省入冬後晴雨合宜茲省城於十月廿八九日得雪除融化外積地二三寸有餘現在正屆小雪得此應

節祥雲二麥春花益資暢發至各屬俟報齊再奏等語  
今歲南北各省雪澤普霑農功兆慶並各稱糧價平減  
民間景象恬熙覽奏誠堪欣幸惟  
亟盼軍營喜報邇來以慰馳念耳  
以論農功真是順獨  
思捷信尚然稽二兇何日生擒定南望目迷心瘁兮

嘉平月朔開筆疊辛亥詩韻

開筆嘉平肇吉朔敬遵

家法萬年垂

每歲嘉平月朔開筆書福賜王公內外大臣等此 皇考時成例予六十餘年來

每歲敬遵我子孫所當萬年法守也

以云歸政當付子

以歸政而論書福錫賚臣工今年當

為子皇帝之事然予仰蒙

天眷精神康健如常即如今早謁闡福寺拈香寺後佛樓三層仍依舊登陟並

不覺勞何敢不自強以承  
吳貺是以訓政勅幾致  
致猶昔俾予皇帝諸事益得練  
習豈非予與予皇帝下  
及天下臣民  
大同之福耶  
尚覺身強可應  
去聲  
時五福斂時欽叩

昊庶民錫厥普承禧光陰五歲如一瞬不敢言期幸副

期

辛亥嘉平月朔開筆之作有似此四年歸政近其能

否曷敢言期之句蓋其時尚未敢自信今歲元正大

廷授璽竟得初心慙遂盛典觀成是不特幸副四年之

悵懷

貽燕之

思斯真為千古所未有耳

復雪

臘月初二日

復見陵辰雪雖微澤亦欣無風徐淡蕩有勢忽續紛紛

謝

天恩疊平加臘景殷慰中仍盼者捷報即當聞

詠古玉穀璧

子應穀璧男蒲璧周禮春官典制傳歷數千年致剝缺  
吁嗟爾玉號貞堅

雜詠

曦昇卯末逮辰初西苑言遊命暖輿行令嘉平頒賞賚

每歲冬至後太液冰堅八旗分棚擲毬演射朕必親臨  
校閱按等行賞每赴西苑率於卯末辰初之際雖御暖

興而曉寒甚冽然意在惠賜八旗俾資生計寬裕如近年於歲底加恩普賜地租錢糧等事有加無已且此係國朝舊俗固不肯安居  
溫室圖一已之適也 避寒溫室肯安居

南臺待備小徘徊視事傳餐例向來

家法相承深意在詎誇冒冷示勤哉

昔年以臘月間

皇祖嘗

冷口及米峪口外行圍詰武肄勞寓意深遠朕敬紹  
詒謀祗承家法詎敢以冒冷習勤自詡耶

假山石徑亦崎嶇或偶扶行或不扶八十六翁世多有  
能如斯者幾人乎

冰牀捲幄覽嬉冰意寓習勞詰武應身體康強

天賜福迴觀扈從鮮猶能

子年近九旬身體康健每凌寒曉出不異常時豈非

天眷加隆獲此厚福迴觀御前扈侍諸臣中如從前來保阿岱博爾奔察扎拉豐阿等俱無在者今舊臣惟阿桂一人其年齒較予尚少六歲而近以畏寒請假不能扈侍則予之仰承

吳貺實為難得益不敢不倍加

疊勉自強不息以敬迓鴻禧也

明亮等奏報攻克石隆苗寨陣斬石柳鄧大功告

### 成詩以誌喜

歷歲捷音盼

自上年二月聞黔楚逆苗石柳鄧石三保吳半生吳八月等先後勾結滋事福康安

和琳等各即總統大兵進剿節次收復永綏鳳凰乾州三廳地方攻克險要塞落不可勝計擒獲石三保吳半

生吳八月等首逆正法惟石柳鄧一犯屢次竄逸負詰  
岨抵拒大功未得卽歲盼望捷音至今已閱兩歲

朝露布觀七旬寧祇格一首正誅完母已行殲戮苗衆久安

耕鑿與內地百姓無異朕御宇以來從未經辦及改土  
歸流亦從未與內外大小臣工等議及苗疆之事不意  
逆苗等自作不靖脅衆焚掠地方甚至抗拒官兵負固  
鳴張不得不調兵聲討以申國法而安善良並非予有  
窮兵黷武之心亦非福康安和琳二人有生事貪功之  
念曲直之理天鑒昭然予之不得已而用兵諒亦

可以共白有慙舞羽千兩臣規畫定福康安和琳自上  
年會兵後由黔入

楚屢次克捷苗寨大功已屆垂成乃令歲夏秋二人俱  
以積勞受瘴先後不治實出意外幸賴軍營勦辦機宜  
及撫馭降苗並成功後一切善後章程井井有條規畫  
已定是以雖兩經事故而軍營屹然安整額勒登保德



楞泰接辦有所遵循得以藏事

## 二將鎮持安

和琳既逝軍營統辦無人恐將弁兵士中或有心存

觀望者闔係甚要深切駭懷而額勒登保德楞泰二人竟能同心鎮定接手辦理不特卡隘防守謹嚴且相機設法進攻連次得勝逮明亮鄂輝奉命馳赴軍營而額勒登保德楞泰並不因特派總統有人遂爾少存推諉之見可謂有勇知方能更復圖環擊仍增贊大端

從前平定

兩金川時明亮為副將軍頗知用兵之道鄂輝曾出師兩金川臺灣亦著有勞績此次聞和琳事即命彼二人前往統率辦理一切大端固賴其主持調度襄贊至於奮勇無前鼓勵將士摧堅破敵則額勒登保德楞泰二人尤為福康安和琳二人所用隊長熟手出力是以攻克大壩角茨岩等寨及平隴賊巢又連破養牛塘馬頭山貴魚坡諸處皆伊二人率先深入所至成功

用長各努力無貳合陳丹鼓勇

率羣旅同心協衆官險峰如翼上深穴那容盤平隴據

前窟貴魚襲後嶺

官兵既克貴魚坡苗匪已殲戮過半惟首逆石柳鄧尚在藏匿平隴後山

相近之石隆寨內額勒登保等連日帶兵由貴魚坡大頂坡等處勦捕殺賊甚多

分投進四路

果入獨先殫

明亮等籌酌必須四面攻圍仗無逃竄之路方可一鼓殲事定期十二月初五日額

勒登保帶兵從貴魚坡下溝獨先果入賊巢斷其要路

左右循頭壓

明亮等帶兵由兩叉灣繞

出石隆左首山梁德楞泰等帶兵由大頂坡繞出石隆右首山梁

繞圍從尾刊

鄂輝等帶兵繞

出石隆山後四路大兵均於初更時進發所有抗拒官兵之賊盡已擊退復有大夥賊匪從貴魚坡山溝衝出經額勒登保等痛加截殺無遺

渠思冒險出

石隆寨破後石柳鄧猶思冒險逃出因官兵四面兜

擒愈逼愈近無路可走老幼婦子僵仆於山溝田坎之下者不可勝計其時帶兵之巴圖魯侍衛將弁等鼓勇競入立將石柳鄧斫斃梟割首級

### 子乃被生攔

據隨同打仗降苗吳老貴吳老亥生擒石柳鄧

之子石老喬供出石柳鄧先已鎗傷竄至寨後為官兵梟斬指認明確復派兵搜獲石柳鄧屍身寸磔示衆現將石柳鄧首級傳示黔楚苗疆俾咸知畏懼再行函送京師並將石老喬及從前所獲石柳鄧之子石老觀一併解京

正法

### 次第視功賚

明亮鄂輝馳抵軍營後與額勒登保德楞額泰遵照指示機宜悉心勦

辦所向克捷自用兵以來額勒登保德楞額泰馳冒前敵身先將士二人尤為可嘉而首先勇進額勒登保出力為多現在大功告竣苗境肅清允宜各加懋賞以酬勲績因封明亮為襄勇伯額勒登保為威勇侯德楞泰為一等子鄂輝為男爵並加賞額勒登保銀一萬兩德楞泰銀五千兩其打仗滿漢屯土官兵俱賞兩月錢糧凡

欽定四庫全書

御製文獻通考  
卷八

在事出力員弁仍交

慰欣敢志寬亦由衷素定

前此畢沅見辦

部優敘以示獎勵  
理苗疆將閱兩年因有微兵之奏彼蓋書生不知軍務  
思欲將就了事實為失當因劉切飭諭彼亦自知其非  
即明亮鄂輝初抵軍營亦未嘗無附和畢沅之意在朕  
之本心原出於不得已而用兵惟審度事勢斷難於未  
獲石柳鄧之前即行撤兵完局因再四明白宣示令其  
堅持定志迅速進剿今乃得完善藏功此皆天恩

啟牖俾朕志有定  
得以籌策萬全耳

誠喜衆爭搏本類度之愬

額勒登保德楞泰二

人屢經出兵曉暢軍務自上年隨福康安和琳勦辦苗  
匪以來於一切進止機宜尤為嫻習且能奮勉先登謀  
勇兼備較之裴度之有真成項遇韓雙忠悲已渺未得  
李愬實過之無不及也

此功看

雪 臘月十七日

臘雪豈辭多半旬剛始過

今冬雪澤優霑十月廿二日甫交小雪節即應候得雪三

寸餘嗣廿五日及十一月初九廿六廿九臘月初二日連次得雪至今剛過半月又獲祥霽

徹辰遞

疎密作勢每婆娑數寸澤誠厚

十七日已初微雪飄灑疎密相間連夜至于正

三刻方止次早京兆尹奏稱實有七寸餘

一封捷報和

是日適遞到明亮等喜報攻克石隆賊巢

已將逆首石柳鄧臨陣斬馘生擒其子石老喬解京治罪大功告成苗疆平定仰蒙

上天鴻佑瑞雪兆豐

恰值武成送喜欣慰之餘益深寅惕

昊恩叨疊佑自審惕如何

祀竈日坤寧宮作

深意昨年示

坤寧宮祀  
歲元旦詣

神乃我朝  
堂于神前行禮

家法與每  
之義相同

至祀竈雖為七祀之一而非天子應行之典是以  
皇祖時從未舉行

皇考始定臘月廿三祀竈日於

地神位行

坤寧宮祀

神並面南敬設

天

地神位行

九叩禮以迓新禧而

竈神前亦致三拜予

歲歲謹遵

母敢忽上年乙卯是日成詩命內廷翰林和韻而  
諸人率重於祀竈未能解予詩義因復識明示之

明禋是日呈政歸應子事體健此躬行

以歸政而論則  
今歲坤寧宮祀

神應為子皇帝之事但予仰荷  
旬身體康健且勅幾訓政無異常年自當親詣行禮以

天眷年將九

申虔  
謝 九寓率稱稔十全更一贏

從前兩平準噶爾一定  
回部再掃金川靖臺灣

及降緬甸安南各一合二次受廓爾喀降為十全武功  
曾作十全記以識之今明亮等奏斬馘石柳鄧苗疆全  
定大功告成則於十  
全之外又贏一績矣

天禧超自古兢業凜持盈


自古帝王康強逢吉五福俱備未有能如予者

昊天

鴻貺予心且感且惕  
惟有益深兢業耳

除夕

除夕那曾除胥然實共胥承平慶有子尊養幸惟子素  
積瓊樓迴沉噴寶鼎舒捷音駢疊至慰矣更欽歎



御製詩餘集卷八